



9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

C 40-4614.



B 64853

介爲舟禪師語錄序

別傳之旨如何若何的醉後猜三  
枚猜得着也是扶牆摸壁走眼目  
定動的棺材裏瞠眼睛掙轉來鷄  
子已過新羅國單刀直入的雖血  
濺梵天得勝時未免傷鋒犯手眉

毛還在麼。蓋由太白山高登峰造極者絕少。禹門浪急暴腮點額者良多。惟有

介爲和尚龍池洗澡波浪滔天諸  
方瀟灑活潑潑地脫盡語言文字  
獨逞向上風流鴛湖曾吐氣普濟

大揚眉都門敲磕來直得

大清國裏拈椎豎拂如麻似粟許  
禪和子被這漢一條拄杖揮入東  
洋大海去也龍蛇何必分魚目不  
必辯還要尋章摘句在之乎者也  
上吹毛求疵便失却自己眼目

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

順治辛丑暮春朔旦同堂法弟輶  
轢道人嚴大叅盥手敬題



序

禪宗一燈自臨濟開山而後接  
其薪傳者晨星落落迄荆溪  
萬如禪師大啓宗乘抉奧宣玄  
說法龍池之上爲衣鉢正支四  
方名宿靡不連袂重趼瞻禮恐

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

後冥其指引迷津證成勝果然  
桂香滿院天花散空究之觸背  
皆非未聞標指見月風旛聚訟  
誰其瞻斗悟趨謂非妙蘊難窺  
異敏希邁哉茲

介爲和尚楚中奇士也慧根夙

具英穎絕羣甫髫齡時卽受沙  
門戒行旣則精進益力勤脩罔  
間積十五六載喟然思所依皈

杖策吳淵得

因主辟園古

天童密老人引而進之一日經啓  
示豐然有悟頓參無上諦後爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

萬師入室真子允哉臨濟一派  
匪是莫歸矣久之功行日隆開  
堂演說人人瞻仰因主報國古  
寺舊緒賴以聿新則又師之有  
造于吳也今觀其所說語錄書  
詩皆玄機邃旨爲一切世間希

有用宜登諸梨棗以作濟世津  
筏爰筆其事以弁諸簡端

岱菴李模題



9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220 1 2 3 4 5 6 7 8 9 230 1 2 3 4 5 6 7 8 9 240 1 2 3 4 5 6 7 8 9 250 1 2 3 4 5 6 7 8 9 260 1 2 3 4 5 6 7 8 9 270 1 2 3 4 5 6 7 8 9 280 1 2 3 4 5 6 7 8 9 290 1 2 3 4 5 6 7 8 9 300 1 2 3 4 5 6 7 8 9

卷之二



芥菴筆其筆以示能誦識

介爲舟禪師語錄目次

卷首

序文

卷一

上堂

附掛鐘板 齋單

卷二

上堂

卷三

小叢

拈頌

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

法語

入室機緣

垂問

卷四

卷四  
偈

卷五

卷五  
傳

卷六

卷六  
引

卷七

卷七  
疏

卷八

卷八  
題讚

卷九

卷九  
自讚

卷十

卷十  
佛事

卷十一

卷十一  
萍吟集

卷十二

卷十二  
松陵雜錄

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

卷十

吳門雜錄

行狀

塔銘

介爲舟禪師語錄卷之一

門人海鹽  
益證等編

住嘉興南湖如如菴語錄

順治六年己丑二月十三日龍池和尚送師入院集  
郡檀護於十五日上堂囑付繼住持遂返次檀越請  
陞座僧問如如瑞氣曇花現煙雨春光萬境新如何  
是如菴境師云四面綠陰垂野岸進云如何是境中  
人師云眼卓孤峰獨足立進云如何是人中意師云  
奈遇知音進云三句已蒙師指示一句無私意若何

楔述

師云滿腔別調進云曇花瑞現千年秀一葉流芳萬古春  
師云誰似渠儂得自由進云有意氣時添意氣不風流處也風流  
師云須是作家始得問昔日世尊鹿野苑中轉四諦法輪今辰和尚陞座轉何法要師  
卓拄杖云會麼進云恁麼大眾霑恩學人禮拜師云照顧脚下僧復喝師便打問靈山拈花微笑面面相陳今日豎拂揚眉心心相應且道今古不異一句如何示人師云鍼劄不入進云恁麼則當體已超空劫外撐天拄地絕遮攔師云猶是階下漢乃云今朝四月初一鳥語風聲齊出若是靈利衲僧決不向此求

覓且道覓個什麼不見香嚴禪師云一擊忘所知更  
不假修持動容揚古路不墮悄然機喝一喝云又幾  
向聲色外威儀叅

結制當日衆檀護請上堂師指法座云人天普集狐兔潛蹤縱使釋迦彌勒也須退身三步喝一喝遂陞座拈香祝

聖罷次拈香云此一瓣香靈山付囑不忘震旦金湯  
有賴伏爲護法宰官居士等同圓般若種智永固信  
力根深又拈香云此一瓣香太白室親遭毒手弁山  
堂卒地翻身二十年撥草瞻風末後飲水喫噎今當

17012345678918012345678919012345678

撰述

孔傳大藏經詩錄卷一

人天衆前爇向爐中供奉現住常州府宜興縣龍池  
 山禹門堂上萬如微和尚用酬法乳之恩歛衣就座  
 維那白槌云法筵龍象衆當觀第一義問一條白棒  
 當陽現木馬橫騎海底行如何是臨濟宗師云殺佛  
 殺祖進云君臣五位全不失個裡風光事事窮如何  
 是曹洞宗師云子承父業進云月出海門雲吐白鳳  
 皇橋下水流東如何是雲門宗師云泉聲流出廣長  
 舌進云未離兜率降皇宮大地山河手掌中如何是  
 濁仰宗師云杲日當空進云野國窮通寒鵠噪栴檀  
 林裏透香風如何是法眼宗師云事事無礙進云五  
 家宗旨蒙師指南湖個裏事如何師打云你試道看  
 僧喝師打僧禮退優婆夷問除却三玄三要如何是  
 佛師云你是男是女夷擬議師打云忘却了也進云  
 如何是法師云如是你聞進云如何是僧師云禮拜  
 着進云如何是佛法僧三寶師云穿衣喫飯進云除  
 却穿衣喫飯請和尚道師打云你咬着一粒米也未  
 夷禮拜師云佛法僧寶集爾現前離心離識淨體圓  
 明若然念起緣生瞥爾迷封萬有與麼還有言前薦  
 得者麼如無又畫蛇添足去也喝一喝復云臨濟大  
 師示衆云赤肉團上有一無位真人常在汝諸人面

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

方丈禪師詩卷一

門出入未證據者看看時有僧出問云如何是無位  
真人濟下繩床撝住云道道僧擬議濟托開云無位  
真人是什麼乾矢橛便歸方丈師云臨濟恁麼說話  
大似好肉剜瘡若問南湖如何是無位真人但向他  
道是什麼無位真人乾矢橛且道與古人是同是別  
具眼者試分析看復白椎云諦觀法王法法王法如  
是下座

冬節上堂問逢至小年節大地意氣新青山仍舊色  
不改舊時人如何是舊時人師拂一拂云會麼進云  
日出方知天下曉水流穿過院庭中師云對面底聾  
進云和尚證明師云證明個甚麼僧擬進語師震威  
一喝乃以拂召云大眾還會麼欲識佛性義當觀時  
節因緣時節若至其理自彰且道是個什麼時節一  
陽生萬物長世間多少守株人惟有趙州老子不逐  
十二時轉遂擲拂子喝一喝下座

上堂問雪屋梅花灼灼辨的青目不瞪衲子難謾祇  
如南湖一曲爲誰宣師云山林瓦礫縱橫說若到常  
情取信難進云爭奈萬籟有心聞不得師云恰問三  
藏教文收不到一聲清磬廓無餘寶座高登將何所  
務師云朔風凜凜進云如何是直截提持一句師云

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

撰述

九德九藏師記錄卷一

15

汝屈不首進云曲爲今時又作麼生師云不要你多事乃云達磨西來直指人心見性成佛二祖斷臂覓心了不可得馬大師云卽心卽佛這三個老古錐恁麼爲人如釘釘木然雖如是未免承言者喪滯句者迷驀拈拄杖卓一卓云阿呵呵庭前柏樹子菩提薩婆訶

臘八初祖開光上堂拈拄杖卓一卓云大衆還知麼今日乃雪山老子覩明星悟道成等正覺之日謂一切衆生具有如來智慧德相皆因妄想執着而不能證得者老漢何似開眼說夢衆中且道迦文未覩明星時還具眼也無復卓拄杖云且喜達磨祖師向拄杖頭上豁開眼光爍破四天下去也亦謂現前大衆具有如來智慧德相皆因將心待悟所以不能證得證與不證且止衆中還識祖師西來意麼聽取一頌

昔覩明星今見大雪星雪光交輝乾坤都炤徹祖師

西來意早已言漏泄便下座是日上堂時忽大雪

新春日諸山禪碩請上堂問烟鎖龍樓玉磬浮半岩殘雪占春眸梅含嫩蕊拈新句臘盡春回百草頭如何是臘盡春回的句師云柳眼舒窺天地濶春聲啼徹歲寒心進云與麼則萬木沾恩梅吐白殿角風生

1101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

翠竹呈師云隨境漂流漢進云學人只如是和尚又作麼生師打云這一棒合該你喫問請問和尚天下何以爲二同師云普進云動容揚古路不墮悄然機師云拶乃云臘盡春來草木咸知窮底事冰消凍解狐蹤斷跡見流長一任乾坤新日月看看原只舊時人諸仁者還識舊時人麼若識舊時人且說舊時話昔世尊說法華時有七寶塔從地湧出住在空中於是釋迦牟尼佛以右指開七寶塔戶出大音聲如却關鑰開大城門卽時一切衆會皆見多寶如來於寶塔中坐師子座全身不散如入禪定又聞其言善哉善哉釋迦牟尼佛快說是法華經我爲聽是經故而來至此今日諸山禪碩亦非從地涌出亦非住在空中國於彈指頃會集現前驀拈起拄杖云衆中還知這個端的麼復卓一卓云祖師心印狀似鐵牛之機說什麼釋迦多寶拈來總與一串穿却何故惟此一事實餘二則非真假下座

上堂問三通鼓罷簇簇上來佛法人事一時周畢祇如尼慧溫禪師云拄杖子不在手茗帚柄聊與三十且道過在什麼處師打云賞罰分明進云犀因玩月文生角象被雷驚花入牙師云又被風吹別調中僧

1101 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

推香几云老漢是何心行師打云也須喫棒乃云看  
看正月初四各各眉橫鼻豎笙歌拶碎須彌聲色打  
翻洒具佛殿倒騎山門鳥語惺惺分付且道分付個  
什麼我見人見衆生見受者見個事分明本成現既  
是本成現爲什又有我人衆生壽者見喝一喝云卽  
此見聞非見聞實無聲色可呈君卓拄杖下座

上堂問枝頭梅笑露全提兩岸依依綠柳舒啼鳥一  
聲春漏洩請師拈出祖師機師云春風滿大地進云  
恁麼則清風敲竹韵紅日綴花梢師云何處不風光  
進云南湖波浪從今息大家齊唱太平歌師云更有  
事在問不待桃紅并柳綠佳音早已徧皇都萬象回  
春卽且置劫前一段請宣敷師云鴛鴦飛入金鍼裏  
繡出雙雙上碧天進云空王殿上泥牛吼碧玉盤中  
木馬嘶師云作麼生是木馬嘶的意旨僧喝師云再  
喝喝看進云不勞再勘師云又與麼去也乃云聞聲  
悟道見色明心雲門大師雖能耳裏着楔眼裏挑筋  
只是不會祖師西來意且道祖師西來意作麼生會  
喝一喝下座

豁然維那請上堂問拈出少林無孔笛等閒吹出大  
家知且道誰是知音師云囫圇吞吐三千界進云知

170123456789108012345678915012345678

撰述

音不在頻頻舉達者須教暗裡驚師云倒卓須彌任  
意行進云恁麼熊耳山前金鳳舞如菴堂上玉雞啼  
師云誰是知音僧喝師便打乃拈起拄杖云南湖柱  
杖子跨跳上三十二天築着帝釋鼻孔將東海鯉魚  
打一棒雨似盆傾復卓一卓云仍教雲收霧卷依舊  
呆日當空盡十方世界若草若木若僧若俗若男若  
女若長若幼無不盡知盡見所以單提獨弄只貴眼  
親手辨正按旁提須是作者方知幾許言前取證那  
容句外明機還他過量人始行過量事且道作麼生  
是過量事良久云雲有出山勢水無投澗聲

元宵解制董耀庭姚公掄二居士領衆請上堂問結  
制解制卽不問如何是和尚爲人處師便棒進云還  
有不費婆心者麼師云現成受用進云恁麼則家家  
有路透長安師云脚跟下一句作麼生道僧便喝師  
云合取狗口乃云去年十月十五日諸方盡起模畫  
樣謂之結制今年正月十五日處處瓦解水消謂之  
解制結時將眼耳鼻舌身意縛作一團拋入大冶紅  
爐朝煖暮煉煉得水消瓦解及至解時把八萬四千  
毛孔等閒撒開一時放光現瑞天雨四花地搖六震  
鳥語風聲齊音演唱五根五力七菩提分八聖道分

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

標述

令見者聞者聽者受者喜者怒者各各踴躍歡喜曠  
劫無明當下灰空頓教一肩擔荷直入千峰萬峰眼  
徹四大海脚踢五須彌十字街頭縱橫無礙笙歌叢  
裡任意優游且道不動脚跟一句又作麼生遂卓拄  
杖云舉頭天外看誰是我般人便下座

上堂情生智隔念別差殊所以動靜乖張閒忙得失  
而不能澄清絕點是故道不屬知知乃衆禍之門心  
必由悟悟乃迷源之本知本無方道從何立喝一喝  
便下座

上堂豎起拂云山僧拂子頭上放大寶光演說無量  
妙義爲汝諸人一音證據了也復揮一揮云假爾再  
運神通鼓陣卒風暴雨一時大地平沉虛空粉碎正  
恁麼時作麼生迴避得去看看各自眉毛還在眼上  
麼良久云不是久經風浪者難將大海作家鄉卓拄  
杖下座

觀察黃公百日之辰孝子復仲請對靈陞座僧問向  
上全提當陽剖露卽今薦親一句請師酬唱師云大  
衆證明進云恁麼則覲體迴超生死外人間天上任  
逍遙師云且道黃老居士在什麼處進云森羅萬象  
齊稽首師云森羅萬象且置畢竟黃老居士面日在

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

什麼處僧呈坐具云有意氣時添意氣不風流處也  
風流師云切莫隨他轉乃卓拄杖喝一喝云大眾還  
會麼昔日釋迦老子離兜率降皇宮出母胎說法度  
人卽此一喝祇如我護法閻齋黃老居士出母胎離  
襁褓身長力大知言識禮學儒學佛至於位及天垣  
言政諫給勒回風行八閏掉臂聲頌匡廬掛冠林下  
穩坐七十餘年名不易節金湯無倦亦知卽此一喝  
也又喝一喝云這一喝昔我天童密雲師翁曾在太  
白峰頭招手居士向長水岸畔點頭辛我師翁揷杖  
乘風一葉拋泊於此與老居士把手同行入理深譚

舉個話頭令叅句萬法歸一一歸何處雖然與麼聞  
此一喝頓放入識田中亦沒交涉又喝云者一喝卽  
我現住荆溪龍池山本師和尚與老居士道契三十  
餘年始於桐月菴中說家裏話後向曹山頂上起模  
畫樣搜動四海衲子一段瞻光有賴然我本師訊別  
一棹禹門院裡掀翻祖翁窠窟耕熟現前田地雖千  
里同風猶未休道義之交故於己丑春駕沒底船泛  
桃花浪得得到此欲與老居士重結般若緣雖則面  
面相看眼眼相覲爭奈未與親口道破這一喝在又  
喝云此一喝自山僧到灔湖以來三經寒暑數次往

17012345678918012345678919012345678

撰述

還常與促膝相談或熟言冷語或倒腹傾腸惟商此一喝更不談餘又謂自幼究心於此事恨未得因地一聲是爲苦耳山僧有個末後句子正欲叮嚀不料居士恁麼趁快撩起便行倏忽百日竟辰令公子抱孝踴泣難報慈誨之恩命山僧陞此座特爲老居士指個安樂法門若也如斯會得卽此一喝二喝四喝入百千萬億喝亦不離此一喝卽此一喝分身百億徧布十方塵說利說無邊說亦不曾說着一字如斯方始會得一喝不作一喝用蓦拈拄杖云衆中還見麼且喜黃老居士來也却在山僧拄杖頭上踴躍騰

空揚聲大呌雲南湖長老不合恁麼鼓辱饒舌將老夫生平事業一一盡情狠籍致使老夫胸中瓦解水消端居毘盧頂上優遊自在遽喝云適纔黃老居士恁麼直下承當却被山僧一喝默爾杜口結舌且道山僧與麼覲面相呈爲復是神通妙用爲復是法爾如然現前大衆還知黃老居士安身立命處麼卽此身心現塵刹歸元何處不風流卓拄杖下座

住都門西瓦廠普濟禪院語錄

師於順治十四年三月二十四日受院主覺幻純公暨衆護法宰官居士等恭請結制開堂師至法座前

1101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

撰述

你爲佛祖傳譜錄卷一

云瞻之在前七縱八橫仰之彌高頭正尾正黧奴白  
牯掀眉須彌燈王眨眼不須眉毛挂劍早已血濺梵  
天且道新普濟如何施設喝一喝遂陞座拈香云此  
一瓣香根歷磐石葉覆千秋伏惟

當今皇帝聖躬萬歲萬歲次拈香云此一瓣香位  
列天星名標帝極奉爲滿朝文武槩國公卿并及現  
前護法宰官居士等伏願股肱帝祚恒新永作法門  
牆壘又拈香云此一瓣香把手牽人難行惟人自肯  
方親常言道冤有頭債有主今日人天衆前共證酬  
償此乃第二回拈出奉供現住江南常州府宜興縣

龍池山禹門堂上傳曹溪正脈第三十五世本師萬  
如微和尚用酬法乳之恩乃就座上首白袍云法筵  
龍象衆當觀第一義師豎拂云不打鬧市門前跛單  
提獨弄截流機衆中還有句下知宗言前取快者麼  
僧問濟宗爐鞴盛京重開四海英靈咸集此會和尚  
且如何煅煉師打云一棒一條痕進云莫便是和尚  
爲人處麼師云閻黎還薦取麼進云頂門具眼方堪  
曉耀古騰今達者知師便喝進云萬煅爐中鐵蒺藜  
佛祖當塗不讓伊師云好個消息僧禮退問法幢初  
豎選佛場開四衆瞻仰未審說何法要師云杲日當

1012345678918012345678919012345678

撰述

傳經解說錄卷一

三

空進云四壁盈虛關不住滿堂盡是法雲飛師云眼  
橫鼻塞僧喝師云者一喝是何意盲進云除却萬年  
天子貴祇有當朝宰相尊師云也須照顧自己僧禮  
退問古德云欲行千里一步爲初如何是最初一步  
師踏足云會麼進云如何是向上一着師卓拄杖進  
云如何是末後一句師云劄進云恁麼則天上有星  
皆拱北海內無針不指南師云且道脚跟下一句又  
作麼生僧便喝師云好一喝士問弟子打鼓和尚上  
堂且道有拄杖也無師云汝不識痛癢進云如何是  
聲前末後句師云今朝三月二十四進云如何是賓  
中王師云不答你進云如何是王中賓師云禮拜着  
進云如何是王中王師便喝進云如何是賓中賓師  
云門外漢進云如何是和尚真正佛法師云汝不是  
其人士便喝師云者一喝落在甚麼處士嘘一嘘師  
云弄精魂漢師乃卓拄杖云若便恁麼擔當已是落  
二落三更要第二杓惡水所以道本無言因言顯道  
故爾言見諦句句歸宗如若倚他門戶隨語生解  
情存境觸頭出頭沒輪迴生死作麼生得自由自在  
去所以古人參叩師承有據眼目清正見識穩密堪  
作人天模範而入門便棒便喝正要你心光發燄性

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

海揚波智天麗日如幽谷無聲遂至斯響洪鐘簾受叩無不應方乃頭頭得妙處處全彰豈可以一言而語其優劣者哉若不如斯縱使諸子百家熟背三乘十二分教精通千七百則葛藤橫嚼豎咬忽遇着個本色作家不消拄杖子一撥便乃渾身汗下眼目定動要個字脚也摸索不着可見眼見耳聞的到者裡總用不得畢竟作麼生復卓拄杖云惟此一事實餘二則非真謝詞  
不錄復舉僧問南院日月交謝寒暑迭遷如何是不涉寒暑者院云紫羅抹額繡裙腰僧云向上之機今已曉中下之流如何解會院云炭庫裡藏身師云南院是個作家善辨來機者僧未免就地活埋然雖如是南院猶未會末後句在今日有問普濟日月交謝寒暑迭遷如何是不涉寒暑者向他道歷歷分明院云紫羅抹額繡裙腰師云春花鋪地錦迷悟許多人又謂向上之機今已曉中下之流如何解會師云欠少個什麼院云炭庫裡藏身師云太煞分明大衆山僧與麼批判還有道得末後句的麼如無普濟自道去也喝一喝下座

孔雀佛大悲準提菩薩開光上堂問請問和尚這三個老古錐未入紅爐已前畢竟喚作什麼師云蚤已

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

安名了也進云畢竟如何師云孔雀明王進云簷前瑞氣騰霄漢歷歷分明作者知師云爭奈旁觀者親問大悲菩薩現千手眼覆被群生祇如今日所點者是那一隻眼師云瞎進云若是這一隻眼昔本不閉今亦不開用點作麼師云照天照地進云恁麼則當陽點出摩醯眼勞破根塵及第空師云照顧眉毛問刻雕衆像須憑良匠之工祇如斤斧未運時大悲手眼在什麼處師云從來不借他人力進云本色現成乞師點眼師云點眼了也進云我見燈明佛本光瑞如此便禮拜師云猶是第二頭事乃以拄杖指像云

你看者三個沒量大人各各具大人相一時現形變相三頭六臂手擎日月鑑天鑑地乃至張弓架箭揮智慧刀佩符印輪具摩醯眼擎山執杵入佛入魔無論貧富貴賤羅刹鬼國遂求卽應雖各具無量威德自在神變終不免山僧拄杖子爲伊點出佛眼法眼慧眼天眼肉眼一時共見十方世界森羅萬象至草木叢林立地成佛去也諸仁者須信自性立地成佛切莫向外馳求汝若起一念向外馳求心卽一棒打折你驢腰

上堂師云末後拈花迦葉打失鼻孔九年面壁神光

失却眉毛者一隊老古錐雖與東西爲則仔細檢點將來兩個五百共成一串直至而今分疏不下衆中莫有分疏得者麼如無普濟更與分疏去也東勝神洲與西牛賀洲研額南瞻部洲撫掌呵呵大笑北俱盧洲搥胸助哀何故正所謂喜怒哀樂之未發發而皆中節且道是中何節灤今朝四月初五一時敲鐘擊鼓及至雲集向前佛法一些沒有旣無一些子佛法汝諸人眼見耳聞的又作麼生咄

浴佛日放生上堂問世尊初生分手一指且道明甚麼邊事師云眉毛上見數進云末後拈花與最初一

指是同是別師云也須領略進云佛真法身猶若虛空和尚今日作麼生浴師云橫按鎮鄧全正令進云恁麼則水底有天藏世界無邊風月挂長空去也師云也須喫棒問未離兜率已降皇宮未出母胎說法已竟因甚猶用者一杓惡水師云亦是自取進云祇如雲門一棒打殺餒却狗子又作麼生師云奈汝不知痛癢進云和尚還識痛癢麼師云汝不是其人進云和尚也須三十棒師云且道山僧過在甚麼處僧喝師云汝却不知問昔本不生今亦不滅既是不生不滅爲甚又有降誕之辰師云頭正尾正進云垂絲

1012345678918012345678916012345678

撰述

例後序

卷一

千尺鈎還曲利物應知語帶悲師云汝還知麼僧擬進語師云却較些子進云自有一雙窮相手不妨隨處舞三臺師云點即不到乃云還有問話者麼直饒問得海水騰波虛空粉碎要與衲僧分上毫沒交涉衆中還知麼今日有個沒面目漢從空降下脫體風流赤條條地金盆捧足九龍吐沐指天指地獨稱其尊目顧周行去也非但大地瞻光乃至情與無情水陸空行咸沾恩化爲甚雲門又要一棒打殺貴圖天下太平所以爲人須爲徹殺人須見血普濟今日路見不平要與雲門討個斷決莫有拔劍相助者麼普濟恁麼是爲人是不爲人若分別得出許你親見雲門釋迦若分別不出且喫普濟三十棒一棒也不較多良久云莫將閑學解埋沒祖師心

上堂問祖懶高標於普濟法幢大建於金臺卽今七衆齊臨未審示何三昧師打云令不虛行進云棒頭傾出千秋月獨照乾坤萬古明師云普天風月人猶在進云滔滔一派滹沱水直到都門湧雪濤師云也須打潔袈裟角問文殊是七佛之師爲甚出女子定不得師云疑殺人進云罔明乃下方菩薩爲何出得女子定師云却較些子進云女子入定明甚麼邊事

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

竹林禪師言錄卷一

師云眼睛壁立直進云世尊坐觀成敗意旨如何  
 师云牙齒一具骨進云謝師答話師云也須薦取始得  
 乃云今朝四月十五諸人切莫莽鹵普濟院裏打鼓  
 撞鐘正陽門外揚塵簸土忽然撞着李鬍子驀面一  
 垂云元來是你你若起一念俗見僧見法見佛見閻  
 羅王卽來取你性命去也你若不起一毫俗見僧見  
 法見佛見閻羅王亦來取你性命畢竟如何顰無風  
 荷葉動必定有魚行復舉盤山寶積禪師一日因市  
 肆行見客買豬肉曰將精底割一斤來屠家放下刀  
 又手曰長史那一塊不是精底寶積當下大悟所以

大丈夫漢聞恁般話便乃發露本地風光如從萬丈  
 深坑跳出一肩擔荷去也現前莫有更較寶積一籌  
 者麼嘵相逢盡道休官好林下何曾見一人便下座  
 上堂士問不與萬法爲侶者是什麼人師云十字街  
 頭眼卓絕進云弟子則不然師云你又作麼生進云  
 手長衫袖短師打云果然問但有言說都無實義默  
 然杜口亦非真諦去此重途請師直指師云普濟菴  
 前刹竿子進云恁麼則言句了也師云草木不借春  
 風力到處花香盡可知進云可謂拂子頭邊施雨露  
 草木瓦礫盡翻身去也師云也須識自始得士問夏

1012345678918012345678919012345678

景連天熱鮮花遍地開花開花卸請問和尚卸在什麼處師云眼裏綃素泥人墮淚士云四大分張又作麼生師云四大分張猶是外頭事如何是你家裏事士云兩頭揩斷師云中間又作麼生士喝師打云却原不知乃云昔日大慧禪師因見老宿上堂云我在老師會中得個末後句不免布施大眾良久云不與萬法爲侶者是甚麼人待汝一口吸盡西江水卽向汝道便下座大慧云山僧卽不然我在老師會中得個末後句不免舉似大眾便下座師云大眾還知大慧老宿末後句麼直饒二老一鼻孔出氣要且同條生不同條死普濟則又不然我在江南老師會中得個末後句一時拋向正陽門外去也待五鳳樓點頭卽向你道便下座

上堂問夜來風雨聲花落知多少請問和尚畢竟是多少師云紅塵堆裏撒珍珠進云恁麼則雪山片片藏蹤跡師云依舊天晴日頭出雨落階前濕忽雨復晴進云杲日當空曜古今師云爲甚却有一點照不着問昔日興化打擯維那未審過在什麼處師云更與你一頓進云恁麼罰錢五貫則已因甚又擯出院師云賞罰分明進云智過於師方堪傳受祇如克賓還識

1012345678918012345678919012345678

興化也無師云官不容針進云和尚今日法戰不勝  
 罷知藏師辦齋一供師打云維那也須喫棒進云果  
 然賞罰分明師云靜悄悄地乃云若人識得心大地  
 無寸土還有識得心的麼獅子決定咬人韓獮始終  
 逐塊須是家裏人始說家裏話南泉牧一頭水牯牛  
 擬向溪東牧不免犯人苗稼擬向溪西牧亦不免犯  
 人苗稼不免隨分納些些總不見得普濟者裡瞎驢  
 群隊一任東踏西踏也無苗稼可犯且喜水足草足  
 一個個飽齁齁地切忌瞌睡汝若瞌睡閻羅王卽將  
 木瓜換却汝心黑荳換却汝眼牛頭阿傍將利刃換  
 却汝舌縫却汝口塞却汝鼻管教你有口開不得有  
 氣吐不得有眼見不得有心用不得到此田地作麼  
 生得直下脫略去普濟更與矢上加尖喝一喝下座  
 京衛經歷司童上甫母難日請上堂問若知天命處  
 處盡成無量壽將通耳順聲聲皆是古彌陀此是童  
 君原具足因齊慶讚又如何師云一點也謾你不得  
 進云恁麼則枉石千年朝帝闕金湯萬古法王城師  
 云家家有路透長安乃云若論佛法二字直得嘴挂  
 壁上無言可說無理可伸所以妙性圓明離諸名相  
 今日因齊慶讚不免旁通一線豎起拂子云還見麼

1701-1234567891801-1234567891901-12345678

撰述

介爲舟福前言卷一

三

喝一喝云還聞麼見乃親見聞乃親聞既爾聞見分明更少欠個什麼來咄卽此見聞非見聞實無聲色可呈君君不見南山雨濕松蒼翠北海波添歲更長

是日  
直雨

上堂問教中道諸可還者自然非汝不汝還者非汝而誰不知汝是什麼師云棋盤街口下馬牌進云祖家又道釋迦彌勒猶是他奴且道他又是誰師云犯禁者斬進云祖義教義是同是別師云從來沒有這些子進云必竟水須朝海去到頭雲定覓山歸師打云放過則不可乃拈起拄杖云諸仁者還會麼復卓

一卓云心不是佛智不是道拄杖子跨跳上三十三天觸着帝釋鼻孔打箇噴嚏落在汝諸人眉毛上廝結儘力抖擻不下直饒抖擣得下未免明人面前三尺暗切忌仔細復云昔僧問趙州云萬法歸一一歸何處州云我在青州做領布衫重七觔師云趙州恁麼貼體爲人可憐者僧沒處着到今日有問普濟萬法歸一一歸何處卽向他道我在都門做領葛布道袍重三觔四兩且道與趙州是同是別若道是同爭奈寒暑何若道是別又爭奈寒暑何山僧與麼亦不壓良爲賤此話三十年後自有識得輕重者在汝等

1012345678918012345678919012345678

撰述

更向者裏討什麼斤兩以拄杖趁散大衆歸方丈  
上堂師云淨裸裸赤灑灑絕遮攔沒可把普濟安居  
月餘日來未審所求何事若教他立地成佛去不免  
自生退屈只得朝打三千暮打八百管取頭徹尾徹  
徹不徹那怕甕中走却鼈一欸招承了也且道是何  
罪結逢人但恁麼舉普濟有此說沒此說雲門乾矢  
櫛喝一喝下座

端午節上堂問五月五日天中節赤口百舌咸消滅  
當陽不必挂靈符直截根源請師說師云誰思屈子  
意千古動悲風進云恁麼則大家相看鬪龍舟去也

師云莫眼花乃云家家門前艾旗高挂蒲劍揮空魑  
魅魍魎掃蹤滅跡閒神野鬼何處窺張雄黃酒到處  
噴灑勅令符挨門排帖城市兒童點額村坊父老歡  
杯祇如汨羅江上楚水連天龍舟鬪彩角黍投漑又  
作麼生雖然事因人設時逢節慶爭奈當年於此日  
招魂千古動悲風且道衲僧門下如何慶感不免也  
歌一曲平平仄仄仄平平仄仄平平兩樣聲若問西  
來佛祖意二千里外沒途程沒途程可憐生君不見  
九年面壁今單丁五葉花開今令行雨落地濕日出  
天晴且道是甚時節樂欬欬兮依前日午打三更

1012345678918012345678919012345678

撰述

上堂師舉經云若以色見我以音聲求我是人行邪道不能見如來師云若乃離名離相業識茫茫無本可據其或就事就理如蠶作繭自纏自縛卽心卽佛亦是認賊爲子非心非佛何似捏目成花馬大師是何心行普濟一味應病與藥豈肯爲蛇添足祇如古人道東司頭不得與你說佛法旣東司頭不得說佛法莫是法堂前說得麼若總作恁般見解三生六十劫也未夢見祖師西來意在遂擯下拄杖展手云我手何似佛手便下座

上堂

是日大雨

樂修法師問龍池興法雨滂沱潤燕山古

曲無音調請師爲重宣師云拍拍是令進云祇如洞上宗風如何是正倒時便起師云切忌向功勲邊坐殺云如何是正起時便倒師云棒頭指處血濺梵天云如何是起倒同時師云瞎如何是起倒不立師云大衆俱在現前進云四句已蒙師指示不涉起倒時如何師云禮拜着進云更有應時爲人一句請師直指師云風雲爲爾通消息進云恁麼則不風流處也風流師云也須照顧自己乃云過量人自爾異目超宗白拈賊慣便就窠打劫衲僧家果有如斯手段不妨竿木隨身逢場作戲乘機接物驅耕奪食亦不爲

0123456789180123456789150123456789

換述

分外豈不見高峰大師在三塔悟得個百年三萬六千朝返覆元來是這漢便打脫個拖死屍底句子以爲一場歡喜及見雪巖欽一日問云日間浩浩還作得主麼云作得主又問睡夢中作得主麼云作得主又問正睡着時無夢無想無見無聞王在什麼處高峰大師被此一問只得無理可伸無言可對所以古人虛心不肯自欺若是今時之流不是擎拳便是豎指一時勉強支梧過去如此等輩實可憐愍故爾欽云從今日去也不要汝學佛學法也不要汝窮古窮今但只飢來喫飯困來打眠纔眠覺來却抖擻精神爐竈是閒施設要煉真精不變金

柯總督夫人請上堂師乃卓拄杖云拄杖子爲汝諸人說佛法去也諸人還信得及麼若信得及直下一念知歸十方世界消殞淨體圓明真常獨露曠劫無明煩惱卽是真如佛性情見習氣亦是遊戲三昧始

19012345678918012345678919012345678

悟道

信聖凡不二舍靈一家山河大地草木叢林都歸自己又有什麼僧俗男女之見所以經云若能轉物卽同如來且道現前之物又作麼生轉直饒轉得也只得一半祇如那一半又作麼生不妨更與道破喝一喝下座

上堂師云須菩提解空第一生時家室盡空世尊纔陞座須菩提便出衆云希有世尊大慧杲禪師云見個什麼道理便恁麼道天親菩薩作無量偈只贊希有一字圓悟禪師云一句是一個鐵橛故六祖聞應無所住而生其心便悟去師云現前衆中且道六祖悟個甚麼若知六祖悟處便不幸負自己若不幸負自己便乃直截根源一刀兩斷直教勦絕去實無一法可當情更說什麼應無所住而生其心遂卓拄杖云知音不在千鍾酒一盞清茶也醉人

上堂師云勦絕一句子不辭向汝諸人道去也良久云還會麼三乘十二分教一時應病與藥千七百則公案亦是披枷帶鎖若是個大丈夫漢督爾見徹根源藥病俱除枷鎖頓釋向二六時中灑灑落落遇境安排有甚麼的的確確見眼是色聞耳是聲聲色堆頭祖師心祖師心且置作麼生是汝諸人自己底心

10123456789180123456789160123456789

殺人者知罪旁觀者喫驚

解制上堂問根塵同元縛脫無二教中旣無縛脫禪門何有結解師云不向他家路縱橫任去來進云祇如解開布袋頭放出一群牛請和尚放出牛看師云照顧脚下進云忽遇着踞地獅子向什麼處躲避師云遍界絕蹤跡進云恁麼則喪身失命了也師云果然乃云普濟院九十六日安居已竟不曾動着諸人一些及至驀地一拶粉碎向二六時中屙屎放尿穿衣喫飯行住坐臥觸着磕着又作麼生廻避若廻避得許你十字街頭縱橫無礙姪坊酒肆任意逍遙如若未然切忌仔細他曰閻老子前莫謂山僧不道喝一喝下座

如如開鐘板

附

師云雲從龍風從虎馬祖僧堂百丈規矩不落聲聞大丈夫遵循號令歷今古遂擊板

如如齋單引

附

銅頭鐵額不問廬陵米價水足草足休提趙州公案木札羹和盤掇出鐵屑飯一任吞吐雖然如是南湖不做這般去就要使應供高流人人脚跟點地飽參上士個個鼻孔撩天

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

## 普濟掛鐘板

師云少室單丁徧地兒孫出馬駒大雄號令典型干  
古振宗風祇如舊店重開又作麼生遂掛板云一番  
提起一番新復擊板云隨伊喫飯穿衣去眼裏聞聲  
處處真

## 普濟齋單

普濟院裡赤手空拳不問如何若何一個個眉毛廝  
結要與黑面老子討個越生出死的路頭恰遇着山  
僧劈脊一棒直教瓦解冰消雖然如是也要竈裡烟  
生鉢孟口濕

## 介爲舟禪師語錄卷之二

記錄

## 住吳江海雲寺語錄

師於順治十八年二月十九日在禾中萬松菴受請  
於四月十五日進院

山門師云廣大法門不用起模画樣且道隨方建化  
又作麼生當軒路徑通霄漢一任擎頭戴角來喝一  
喝便入

伽藍師云擁護叢林在爾提持祖令由我將此深心  
奉塵刹衛法衛僧莫懈惰遂燒香

韋馱師云支那國中賓中主海雲寺裏主中賓祇如賓王相見如何話會遂揷香云此瓣香燒大家知佛殿師云巍振大千天魔外道拱手至尊三界歷代帝王曲膝今古不離空劫座世出世間咸瞻仰遂展拜

據室云從上老古錐盡向這裏坐斷天下人舌頭且道新長老如何施設饒伊鐵額銅頭漢到此也須親燬煉便起

當日衆護法請上堂持菴金居士同爾初和尚遙疏師接疏示衆云大眾會麼這個是勾無面目漢約信

符具異口同宣的妙義恰好落在山僧手裏若爲流通却請第一座對衆拈出始見千里同風終歸異途一轍宣疏畢師指法座云此箇大寶法王之座天然突地迥絕週遮直饒須彌燈王亦不敢正眼覩着且道新海雲如何趨步喝一喝便陞座拈香云此一瓣香拔出人表迥不同儔爇向爐中耑爲祝延當今皇帝聖躬萬歲次拈香云此一瓣香靈山親承囑付法筵賴以觀面伏惟滿朝文武竝及現在宰官郡邑縉紳護法居士等衆歷劫不昧靈根現前均資慧力又拈香云此一瓣香初向南湖揚聲次於都門酬價

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

此乃第三回拈出供養江南常州府宜興縣龍池山禹門堂上先師萬如老和尚用酬法乳之恩歛衣就座圓明和尚白槌云法筵龍象衆當觀第一義師云若是第一義山僧未離嘉秀圓明和尚蚤已一槌打就了也還有超關奪越者麼僧問月到海雲處風來滿院香如何是海雲境師云到江吳地盡隔岸越山多進云如何是境中人師云覲面薦取進云人境已蒙師指示如何是佛法的意師打云向這裏會去進云不辭行脚苦隨處得風流師云看看時雨灑長空時陞座漸有微雨師乃云一句了然千差截斷不落有無

階級豈容擬議思惟所以建法幢立宗旨傳佛祖心印別教外離言詮廓人天正眼透聲色外橫身古路向百草頭卓立風規直饒見徹如斯若到衲僧門下更有向上事在遂舉起拂子云大眾還會麼萬古碧潭空界月再三撈灑始應知復曰昔日法燈禪師云山僧本欲深棲巖竇隱遁過時益緣清涼老人有未了底公案出來爲諸人了却山僧自先師去世以來向因抱病守拙適承郡邑護法縉紳春元文學居士等衆旣我同門圓明爾初和尚馳翰相招將山僧推出海雲座上若謂爲龍池先老人了未了底公案則

100 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9 140 1 2 3 4 5 6 7 8 9 120 1 2 3 4 5 6 7 8 9 100 1 2 3 4 5 6 7 8 9 80 1 2 3 4 5 6 7 8 9 60 1 2 3 4 5 6 7 8 9 40 1 2 3 4 5 6 7 8 9 20 1 2 3 4 5 6 7 8 9 10 1 2 3 4 5 6 7 8 9 10

瞎却天下人眼去在若謂不爲龍池先老人了未了  
底公案亦瞎却天下人眼去在且道利害在什麼處  
復舉王常侍一日訪臨濟同到僧堂內侍曰這一堂  
僧還看經否濟曰不看經侍曰還學禪否濟曰不學  
禪侍曰經又不看禪又不學畢竟作甚麼濟曰總教  
伊成佛作祖去侍曰金屑雖貴落眼成翳又作麼生  
濟曰我將謂你是個俗漢大慧禪師云臨濟老漢握  
一柄金剛王寶劍氣衝宇宙天下橫行等閒被這官  
人輕輕一拶便見水消瓦解且道這官人有甚長處  
聽取一頌大慧頌云世出世間希有事顯發須憑過

量人只將補袞調羹手撥轉如來正法輪師云臨濟  
大師大似藏珍之家忽遇個白拈賊挨身一擦便傾  
出顆摩尼寶珠光前絕後耀古騰今天慧恁麼拈頌  
壁立萬仞千古之下誰敢埋沒王常侍且道臨濟大  
慧還有爲人處也無聽取海雲一頌一段奇特大因  
緣分明驗的向人前大家豁開正法眼莫教滅却瞎  
驢禪圓明和尚結槌云諦觀法王法法王法如是下  
座

上已日命監院啓論普門品經期沈天一居士設齋  
請上堂僧問祖意教意卽不問聲色堆中請師指示

1012345678918012345678919012345678

師云何處不稱尊進云恁麼則香風遍處誰能識  
湖水深雲笑滿腮師云誰是知音者僧喝師打云者一  
喝落在什麼處進云大眾證明師云且喜沒交涉僧  
禮拜師乃云有佛處不得住菜花開遍處處黃金布  
地無佛處急走過林木森陰村村烟柳垂絲好光景  
大家看浪湧桃花三月三平地一聲燒尾去崢嶸頭  
角絕遮攔且道海雲隊裏如何變化良久云謾誇二  
級禹門浪密移一步看飛龍卓拄杖下座

因開三門程居士夫婦設齋請上堂僧問門開八字  
明賢螢悟風帆未挂達者先知正恁麼時如何師云  
縱目所觀進云龍女獻珠增意氣垂虹亭畔得風流  
師云海雲天際濶進云鉤頭未釣寒潭月柳線先穿  
金鯉魚師震威一喝僧禮退問一喝分賓主照用一  
齊行如何是照用一齊行師垂拂云你還上釣麼進  
云如何是先照後用師云你不在門外進云如何是  
先用後照師云棒棒見血進云如何照用同時師云  
汝試覲看進云如何是照用不同時師云今日不答  
汝話進云照用已蒙師指示向上法身事若何師云  
處處桃花刺眼睛進云恁麼則春色滿園關不住一  
枝紅杏出牆來師云過去久矣進云有意氣時添意

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

氣不風流處也風流師云不得頭上安頭僧禮拜師乃云法無定相遇緣卽宗智不格物隨流得妙直得觀音菩薩塵塵作主刹刹分身應以比丘比丘尼身得度者卽現比丘比丘尼身而爲說法應以婆羅門宰官身得度者卽現婆羅門宰官身而爲說法應以長者居士身得度者卽現長者居士身而爲說法應以若男若女等身得度者卽現若男若女等身而爲說法正所謂觀音妙智力能救世間苦諸仁者還知山僧拂子爲諸人說法麼驀豎起拂子云向一毫端上建寶王刹現千百億釋迦牟尼佛而爲說法去也雖然如是總不見得何故禪若將耳聽終難會眼裏聞聲始自知喝一喝下座

上堂僧問松陵城畔衆信愍懃師登寶座祖印高提如何是密密意師云鑒僧喝師便打乃云擊大法鼓演大法義蠢動含靈個個聰地爲甚靈昭女又道明百草頭明明祖師意適纔落雨恰又天晴晴雨分明見者親見者親切莫馳求向外尋直饒塵說刹說無邊說海雲將來都拋却爲甚如斯個個聞見分明喝一喝下座

三月十五日施主設齋請上堂僧問法筵龍象衆當

觀第一義第一義卽不問如何是當觀師云蜜已道過了也進云金風吹玉管那個是知音師云目前無異法不與衆同流進云獅子蓋覆群音去也師云嚇殺閻黎僧喝師云不得亂鳴師乃云有時向十五日前成所作智了辦也有時向十五日後妙觀察智分明也且道正當十五日大圓鏡智目前無一法無法不在目前纔擬一法便隔千里萬里去也祇如平等性智一句又作麼生情與無情等共見眼裏瞳人各不知卓拄杖下座

上堂僧問春末夏初綠樹成陰師陞寶座有何祥瑞  
師豎拂云會麼進云琉璃殿長珊瑚樹瑪瑙塔生碧  
玉花師云見箇什麼道理進云薰風有意無人曉吹  
綻梅花笑嶺頭師云未是時節僧喝師云再喝一喝  
看僧禮拜問馬祖一喝因甚百丈三日耳聾師震威  
一喝進云黃檗吐舌又作麼生師便打進云雪後始  
知松柏操事難方見丈夫心師云也須領會始得師  
乃云今朝三月廿六春風夏日成熟海雲寺裏無爲  
露柱燈籠碌碌直得三千諸佛說法於重重香水海  
五百高流應供于天上人間且喜海雲終日喫粥未  
曾嚼着一粒米又作麼生正直衆施主設齋請山僧

陞座爲諸人說一句子佛法且道這一句子如何說  
爲復是福田說爲復是受供說若爲福田說福田無  
量若爲受供說受供無處且道除此一途如何卽得  
卓拄杖云諸惡莫作衆善奉行便下座

比丘尼明賢勤修領衆善友設齋請上堂問一輪杲  
日當空掛四海山河處處明文殊是七佛之師因甚  
出女子定不得師云通身顯露進云大定等虛空罔  
明是初地菩薩爲甚却出得女子定師云拈來全不  
費工夫進云出得出不得今蒙指示祇如瞿曇女子  
文殊罔明卽今在甚麼處師云都與一串穿却進云  
恁麼則一把桺絲收不得和烟搭在玉欄杆師云也  
須施功絕妙始得進云謝師答話學人禮拜師云闍  
黎又分身去也僧便喝師云大衆且道這一喝還有  
賓王也無進云也要和尚知得師乃卓拄杖云若識  
得這一喝賓王歷然目前萬法無不了了其或未然  
不免與諸人下箇註脚今朝四月初一夏熟春聲已  
畢乍晴乍暗作甘霖草木焜蟲均利益且看行人路  
頭滑帶水拖泥半乾半濕奇逢移花接木漫呈巧手  
緣爾攢米作供特煞現成祗如百花叢裏安身十字  
街頭着脚底合作麼生銷受莫將世俗見埋沒道人

1701 2 3 4 5 6 7 8 9 1801 1 2 3 4 5 6 7 8 9 1901 1 2 3 4 5 6 7 8 9

心下座

撰述

不爲母祖市吾集卷二

史金包張陳沈衆善友設齋請上堂問垂虹亭畔脫體全彰未審海雲門下如何師云風恬浪息進云因甚城東老母與佛同生不得見佛師云你那裏見得僧一喝師打一拂云吽屈作麼進云爲什麼十指頭上俱現師云莫妄想問有一物上枉天下枉地二十六時中在聖不增在凡不減如何是不增不減底道理師云那裏得這消息進云水底蝦蟆吞日月不風流處也風流師云却不風流僧擬議師便喝進云瘡子喫黃連舌頭俱宕出師云略知滋味問春歸何處也滿目綠陰濃了了不遷義朝朝日出東春去夏來因甚又道不遷師云農夫個個望甘雨進云處處綠楊堪繫馬家家有路透長安師云長安且置吳江風境又如何進云白雲片片歸巖谷芳草漫漫掩逝川師云漫將聲意語喃喃進云大眾牢牢着耳聽師云音韵都在千峰裡啼徹南尋萬木新僧喝師云是何意旨進云聲却一堂僧師云沒交涉問智與師齊滅師半德過在甚麼處師云過在闇黎進云某甲推倒禪牀喝散大眾又作麼生師云你不是其人進云從來覲面難回互遍界明明不覆藏師云好與三十棒進

101 2 3 4 5 6 7 8 9 180 1 2 3 4 5 6 7 8 9 150

云坐却毘盧印踏破普賢門師云切莫亂走僧便喝  
師云又亂喝作麼師乃云身是菩提樹心是光明臺  
智性清淨海日不假安排神通妙用運水及搬柴  
現前諸仁者還識得神通妙用麼若識得神通妙只  
在動用中頭頭顯露物物全彰非但現前四衆人等  
亦如是過去諸佛亦如是未來諸佛亦如是現在諸  
佛亦如是乃至僧亦如是俗亦如是男亦如是女亦  
如是蠢動含靈亦如是所以道不見一法卽如來方  
得名爲觀自在以拂子擊香几下座

比丘尼領了信童設齋請上堂問諸家門庭卽不問

三玄二要請師宣師云點卽不到進云爲甚麼點卽  
不到師云點進云看破了也師云不點僧一喝師云  
到卽不點問古人一言半句便知曹洞兒孫師云我  
這裏總用不着僧便喝師云你者一喝是臨濟是曹  
洞僧又喝師云再喝喝看進云野色更無山隔斷天  
光直與水相通師云也是亂統師乃云適纔伐鼓陞  
座早已向諸人道過了也乃至鼓寂鐘沉時又作麼  
生所以道靈源不昧萬古微猷入此門來莫存知解  
且道未入門一句又作麼生道遂以拂子擊香几三  
下云海雲今日失利下座

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

## 撰述

在心禪人領陶省吾居士等設齋請上堂問如何是  
 奪人不奪境師云百雜碎進云如何是奪境不奪人  
 師云覲面不相識進云如何是人境俱奪師打云把  
 舶逆風行進云如何是人境俱不奪師云從來不踏  
 歌舞地進云恁麼則一月印千江去也師震威一喝  
 僧禮退師乃卓拄杖云還會麼知有底人穿破聲色  
 外無遺靈然獨耀踏歌舞地遊戲物等同真花街  
 柳巷出入自由娃坊酒肆縱橫無礙直向百花叢裏  
 不沾身荆棘林中全意氣又有什寒暑不遷之謂耶  
 所以毘婆戶佛早畱心直至而今不得妙現前諸仁

者還知自己得妙之處麼眼觀空色界心印了無宗  
 喝一喝下座

比丘尼覺塵領超果設齋請上堂問師陞猊座四衆  
 臨筵向上一機乞垂方便師良久云會麼進云恁麼  
 則全憑一滴曹溪水流入滄溟透底香師云汝再道  
 看僧喝師云看僧作禮問昨夜吳江傳消息報道海  
 雲飛上天如何是諸佛出身處師云杲日當空進云  
 怎麼則針鋒頭上翻筋斗紅爐燄裏碧波生師云照  
 顧看毛進云只如薰風自南來殿閣生微涼作何話  
 會師云個個得意氣進云一句曲舍千古韵萬重雲

1101 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

散月來初師云又被風吹別調中進云水上東山行  
不住火中木馬夜嘶鳴師云露柱向汝道什麼進云  
可謂千江有水千江月萬里無雲萬里天師云閻黎  
爲甚被片雲遮却僧連喝歸衆問棒打石人頭曝曝  
論實事如何是實事師云親言出親口僧打一圓相  
師云看破了也進云舉頭天外看誰是我般人師云  
只是你不會僧豎一指師云指東話西作麼師乃云  
窮理盡性達諸佛之本源運智酬機豁當下之狐疑  
泯妄絕寂卽如如佛所以經云當知是妙法諸佛之  
秘要現前大衆還知汝自己秘要麼靈光耀徹三千

## 界山河照破自無私卓拄杖下座

張子明居士爲嚴父設齋請上堂問佛祖未出世天  
地猶未分如何指示師云庭前柏樹子進云未陞座  
已前再請一語師打云會麼進云吳城與海雲鬪額  
又作麼生師云家家門前火把子師乃云了達妙智  
別異歸於佛海透脫玄機敲唱喻于一音所以心不  
離境境不越心物我洞然當體融化正所謂古佛家  
風在處音振聲揚野老謳歌隨流緣澄影寂且道不  
落算數一句又作麼生道長年不老雲中鶴亘古無  
虧壽域山喝一喝下座

1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

異述

佛誕日西門衆居士設齋請上堂問雲開日出雨落  
地濕未審還打濕袈裟角也無師云突出便見進云  
恁麼則指天指地千古意也師云何處不誇尊僧喝  
師打云也不可放過問昨夜降王宮今朝成佛道打  
破太虛空如何覓得師云覓得覓不得且置卽今在  
什麼處僧喝一喝師云只者一喝那進云亘古亘今  
藏不住大千沙界絕羅籠師云爲什麼脚跟不點地  
乃云今朝四月初八淨飯王宮生悉達九龍吐水沐  
金軀大地山河光交潔無端撞着老雲門特地一棒  
要打殺然雖如是誰是知恩報恩者若解知恩報恩

則三世諸佛歷代祖師總向汝一個鼻孔出氣又說  
什麼未降王宮度人已畢未出母胎說法已竟只如  
今朝四衆臨筵請山僧陞座還是悉達降生了也還  
是度人已畢還是說法已竟若檢點得出許你具一  
隻眼且道海雲爲人一句又作麼生道千峰勢到嶽  
邊止萬派聲歸海上消喝一喝下座

完經期監寺偕兩序請上堂問世尊拈花迦葉微笑  
今日海雲解制且道何人會得師打云你會麼進云  
不會師云爲甚不會僧云不會不會師云大好不會  
進云萬古碧潭空界月月中丹桂鳳凰棲師云却是

10123456789180123456789190123456789

撰述

汝不解棲僧便喝師云莫亂統師乃云今朝四月十五農夫漸入勞苦分付我輩出家兒切莫癱心學莽鹵諸方處處結夏安居入茲平等性智了也惟有海雲寺裏一味平坦坦地舉步措足無不了了若以眼見耳聞卽落於見聞覺知若不以眼見耳聞亦落于見聞覺知敎中云若能轉物卽同如來驀卓拄杖云且道物作麼生轉喝一喝下座

上堂師云春日晴春鳥鳴春風拂拂柳條新山河大地無遮障草木馨香總是春多少往來行路者不知誰識箇中人衆中還識箇中人麼海雲恁麼則直不藏曲去也以拂子劃一劃云分明覩體吾無隱理事融通處處真遂卓拄杖下座

爲計念祖文學對靈升座師云昔日張拙秀才明此宗達此理作偈云隨順世緣無掛礙涅槃生死等空花驀豎起拂子云計文學念祖汝還會麼汝父謂汝才離襁褓便能誦詩書及至齠齒之歲文彩全彰真乃奇才異世之神童也先聖年十有五而至於學至於從心道明一貫之旨汝年十五已列庠序欲望聲名注於竹帛永煥祖父門牆今方十六詎遭痘司行譴促爾天資夭折於妙年生前篤志學儒誠謹淳孝

究心內典而自覺自知臨終之際欣剪髮披緇具沙彌體相正身危坐又手結印瞑目長往真可謂儒釋之奇男子也致令汝雙親祖母不忍難割肺腑痛徹之悲故請山僧升此座爲汝一一指示分明恁麼則隨順世緣無掛礙去也且道辭親割愛一句又作麼生道但願靈根終不昧何妨嗣世再生芽喝一喝卓拄杖下座

上堂師云月直清和夏日長無邊景況逐人忙桑林葉剪蠶絲白春去催耕菜麥黃祇如靈昭女道明明百草頭明明祖師意又作麼生理會豎起拂子云明明拂子頭明明祖師意且道今古是同是別若檢點得出許你具一隻眼如若未然更爲重說偈言百草頭邊流不盡麗家女子太風光海雲不與蛇添足只要諸人自主張遂擲拂子喝一喝下座

佛誕日圓菩薩大戒上堂僧問踞虎頭收虎尾衲子尋常作略祇如全提正令一句又作麼生師打云全提正令橫無礙進云龍袖拂開全體現象王行處絕狐蹤師云如何是絕狐蹤處聾僧便喝師云非汝境界問今朝四月八皇宮生悉達惹得韶陽老一棒要打殺爲復是神通妙用爲復是知恩報恩師云天上

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

撰述

不爲六祖真言錄卷二

天下唯吾獨尊進云祇如和尚坐籌帷幄決勝千里  
設有個單刀直入底漢到來又且如何師云正令當  
行進云若不慣經曾百戰聞者無不喪膽魂師云退  
身有分僧一喝歸衆乃云提劍攬龍門未謂好手一  
棒全正令漫稱作家直得千百億身等示一身於一  
身中現無量千百億獅子座於獅子座上現無量千  
百億盧舍那身千百億釋迦牟尼佛身各各一等同  
聲誦此無量億諸佛菩薩心地法門令已學一切菩  
薩未學一切菩薩當學一切菩薩證此無量心地法  
門戒法之體明此無量心地法門戒法之原於千光  
王影中光光相照於一一光中建無量廣大佛事如  
一毛頭許相似汝等諸人還會麼良久云漫言獨步  
稱尊貴那個男兒不丈夫卓拄杖下座

四月十五日講梵網經完上堂僧問薰風吹動百花  
香無位真人不覆藏脫體風流隨處得更將何法可  
商量師云探珠宜浪靜動水取應難進云與麼則掀  
翻大地尋知已撥轉支那定是非師云海雲門下匝  
地風高三尺進云正是和尚放身命處師云莫謗他  
好僧禮拜歸衆問把住則乾坤失色放行則瓦礫生  
輝如何是放行中把住的事師云一串穿却進云如

1701 2 3 4 5 6 7 8 9 1801

1901

撰述

何把住中放行的事師云無你立地處進云恁麼則  
櫛標橫肩不顧人直入千峰萬峰去師云看脚下乃  
云理無礙說事無礙說理事無礙說事事無礙說乃  
至借物明心說總說別說恁麼喚作教得麼拈花微笑  
斷臂安心卽心卽佛非心非佛卽此用離此用一  
喝三日耳聾玄中具要王中歷賓賓中歷王照用同  
時照用不同時至於乾矢橛寐三劖庭前柏樹子恁  
麼喚作禪得麼祇如佛制比丘於此日諸方結夏安  
居日中一食樹下一宿恁麼喚作戒得麼海雲總不  
恁麼直教櫛標橫肩去撥轉如來正法輪便下座

師受姑蘇報國寺請上堂拈疏示衆云春花簇錦穿  
林快語如梭夏火炎新透底玄音若雷聞聲讚揚莫  
及函蓋文彩全彰要會離言別旨麼應須對衆敷宣  
宣疏畢指法座云峭峻處別有風規坦夷處斬新條  
令恁麼喚作寶華王蚤已孤負已靈喝一喝便升座  
拈香罷僧問海雲三載風帆穩吳市法幢報國新如  
何是應時一句師云春雨如膏進云不入驚人浪難  
逢稱意魚還許學人下釣也無師云水淺不是泊船  
處僧喝師打云亂鳴作麼進云小出大遇去也師又  
打云莫亂走進云埋沒人不少師云誰埋沒你又僧

1101 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

問昨夜萬山晴今朝烟雨集一色本同根俄爾成差  
別如何是不差别的法師云萬葉千枝同一體進云  
恁麼則意氣不從天地得英雄豈逐四時凋師云那  
個男兒不獨尊進云道古任傳天子令時清唯聽太  
平歌師云風行草偃進云泥牛吼處乾坤廓木馬啼  
嘶草芥鮮師云且道是什麼人聞見僧便喝旁僧亦  
同喝師云兩喝一彩又僧問姑蘇城內傳消息海雲  
堂上振家風覲面提持端的旨未審當陽付阿誰師  
云該耳知音進云與麼則曹源一滴水芳芬遍界新  
師云葉茂千秋進云須是一番調羹手撥轉如來正  
法輪師云據令當軒進云一雨普潤週沙界山川草  
木盡沾恩師云正是時節進云彎弓已掛狼烟息四  
海歌堯賀太平師云橫按鎧耶清宇宙請主亞圭問  
獨占松陵道布乾坤承蒙和尚慨允吳門報國今日  
同諸護法特來迎請和尚未知如何指示師云一肩  
擔荷圭顧視大眾云大眾還聞麼師云也要自肯承  
當乃云太湖三萬六千頃未是濶在縹渺七十二峰  
堆秀出雲間水流環翠百花香江城人人着眼闔閨  
門開萬戶扁吳山個個點頭還會麼正所謂真不掩  
僞曲不藏直直得向臥龍街頭全身放下鬧市路口

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

任意縱橫所以動若行雲止猶谷神行雲去以無心  
谷神住而何間是故動必有時住必有方且道卽此  
就彼一句又作麼生良久云呼空響應海雲集伐鼓  
聲中報國新喝一喝下座

住吳門報國寺語錄

康熙三年四月十五師於松陵海雲寺受請五月初  
九日進院

山門卓柱杖云八字打開凡聖路三千里外絕諱訛  
復卓一卓云會麼看取新條令吳門跨獨尊  
佛殿云威音已前幾許覲面相逢呱聲因地直得全

身顯露今日人天共集豈可越例攀條遂展具拜

韋馱云樓至化身名稱普眼報國維新雲堂衆滿供  
感三洲聲爇碗懃懃瓣香憑拘管

伽藍云法王牆塹叢林保障願力弘深扶正眼管教  
大地全安養

祖師云東土西天起模畫樣嘴盧都言無詭累及兒  
孫殃不了酬冤只得者瓣香

入室云三頭六臂的平空放下渾身著眼的沒處分  
疎一棒施行該百令銅頭鐵額血淋身便坐

當日監院暨衆檀護及齋主范居士等請上堂監院

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

撰述

不爲我祖則言錄卷一

遍衆護法公啓師接示衆云霞箋耀彩海雲衆目瞻  
光翰墨流香報國公驗端的還有見聞日新者麼其  
或未然再煩表白宣疏畢指法座云者大寶華王不  
假特地湧出亦非從天降下漫謂游行絕伴侶讓伊  
獨步上頭關遂陞座拈香云此一瓣香持乾綱而布  
政掌坤維而新民伏爲

當今皇帝聖躬萬歲萬歲次拈香云籌運莫測之  
機輔弼弘化之佐德不孤隣名垂勳籍伏爲滿朝文  
武並及當道都撫將軍郡邑等官本寺護法大檀居  
士等衆共衛佛國金湯洞明般若種智又拈香云耑  
爲本寺中興弘戒演教茂林先律主因緣輻輳希聲  
遠播又拈香云此一瓣香名不得狀不得此乃第四  
回拈出供養常州宜興縣龍池萬如先師用酬法乳  
就座黎川羅漢晉菴長老白椎云法筵龍象衆當觀  
第一義師云拂電之機掃蹤絕跡智勇之士當仁不  
讓還有爭先奪旗者麼僧問這條白棒重拈出的的  
相承報國恩且道作麼商量師云師恩有據進云特  
地一肩擔荷起象龍全集電光機師云急著眼覲進  
云茂林堂上分賓主肘後玄鋒一脉新師云百花洲  
前添意氣進云王令已行天下遍將軍塞外絕煙塵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

師云野老謳歌進云到者裏只得兵隨印轉將逐符行師云也須恁麼始得僧便喝師云大好一喝進云看取令行師云過去久矣僧問昔日無準禪師道名不得狀不得取不得舍不得只麼得且道得個甚麼邊事師云五月榴花紅似火進云千年田地皆歸主一任縱橫得自由師云遍界絕遮攔進云一點雄心今報國八方皆受吾王恩師云歷古明心印法園慶日新進云枯木重榮千載茂寶殿重光萬古明師揮拂云盡向者裏沾恩僧喝師打僧作禮退居士問好事不出門惡事行千里因什麼今日和尚陞座名垂

萬古師云向那裏得這個消息士便喝師云者一喝落在甚麼處士云還有這個在師打云者個是什麼士便行僧問不得如何若何請和尚接戰師云戰個什麼僧云假雞聲過秦關也莫道田文不丈夫師云自首者免罪僧擬議師便打進云不得亂打師又打云爭奈你不識痛癢進云放馬華山已見太平氣象垂衣而治請師別展鋒鎌師打云我者裏一棒一條痕僧便喝師云莫亂鳴師乃云具大智顯大機不妨塵中作主鬧市稱尊鎔聲色成一片入異類分化身處鑊湯爐炭得自在現羅刹鬼國安然快樂所以

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

建大法幢闡揚宗旨單明佛祖心印故爾入處垂手  
大用超方有時一句烹金切玉純一無雜有時一句  
奪劫外春光掣開摩醯隻眼有時一句賓主不立照  
用縱橫直得八面玲瓏吐氣揚聲衆中還知報國一  
句麼闢開濟北新條令耀古騰今只麼行復卓拄杖  
云更有一句子監院亞圭禪士親口傳聞了也謹持  
郡邑鄉紳諸護法啓致海雲堅請山僧主持以擴門  
戶之新耑爲先茂林老和尚法席所以金口親囑國  
王大臣護持建化門頭方得源遠流通今日四衆臨  
筵豈可囊藏被蓋亦不敢辜負先哲將一個印心訣

子領出當陽只要諸人共知共見一狀領過且道因  
齊慶讚一句又作麼生喝一喝云男兒自有冲天志  
豈向他人行處行羅漢長老結椎云諦觀法王法王  
法如是便下座

衆居士設齋請上堂師云明得諸佛義便識祖師心  
會得祖師心便知諸佛義祖師心諸佛義奪境奪人  
真信諦遂以拂子向空點々云此是諸佛義將什麼  
喚作祖師心豈不見一擊竹翻聲色破拖來死屍百  
年期直饒恁麼的向一機一境上悄然獨露入佛入  
魔處觸目揚眉總是向外馳求亦未識祖師心在畢

1101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

竟如何響良久云萬綠叢中紅一點眼光爍遍甚分明卓拄杖下座

立兩序執事上堂僧問昔日臨濟大師住滹沱建立黃檗宗旨和尚今日高登猊座建立阿誰宗旨師云無面目漢自爾領略進云祇如普化克符到來作麼生安置師打云也須喫棒進云棒頭迸出金獅子香象奔騰失却威儀云鐵香爐點頭進云禹門一脉傳千古濟宗從此又重新師云切莫妄通消息師乃云大光明藏香水海百億國土須彌山千丈盧舍那無量衆圍遶賓中王面面相對王中賓眼眼相看王賓互換和聲應響驅雷掣電向無陰陽地上發生裁長補短承叶不應山谷揚聲所以知音罕遇作者難逢智士通明眼辨石中美玉巧匠功能爐淘沙裏精金恁麼報國門下一齊按下了也且道同氣連聲一句又作麼生道隻手共扶宗正眼千金擔荷重如山便下座

朱振寰居士設齋請上堂僧問吳門梵刹首稱報國隆興今蒙朱護法設齋鐘鼓齊鳴四衆沾恩事如何師云大衆臨筵進云青山常遠如來座休問白雲何處溪師云香飄劫外春光普進云且喜斷虹垂碧落

片雲雨過出青山。師云：綠陰擎傘蓋遍地，惜黃鶯進  
云好鳥枝頭啼。百語不呼同伴爲誰鳴？師云：不得向  
聲色裏轉却。師乃云：祖師妙意盡在百草頭，流出諸  
佛心印。總向微塵裏轉却。四十二年說不盡，一大藏  
因邪打正末後拈花顯別傳，賺得飲光特地倒却刹  
竿續燄燈分竺土。廓然無聖二三派，列支那沒佛處  
急走過。有佛處不得住，明頭合暗頭合直得露柱懷  
胎燈籠喝彩。所謂天上產麒麟，人間生歡喜。祇如胤  
子延孫一句，又作麼生道。卓拄杖云：螽斯羽化嗣芳  
遠，福果臻培歷劫春。下座。

嘉興府居士董耀庭尤思川姚公掄同衆請上堂僧  
問：昔日龐居士云：有男不婚有女不嫁。大家團圓頭  
共說無生話，既是無生且道說個甚麼？師云：意旨分  
明進云恁麼，則悄然獨露渾無拒劫外。春光喜自知  
師云：滿堂誰是知音？進云：突開結角羅紋處，攝入圓  
六三點中。師云：且道是甚麼人會進云活計？今拈得  
相逢讓主賓。師打云：也須喫棒。乃云：心不一致隨流  
得妙道，無虛應卽境歸元。所以別傳教外之道，至簡  
至要，包括大千而真機獨露。輒芥投針而妙體全彰。  
智拔羣有鏡圓覺海之澄，萬象光騰洞明玄要之旨。

二翼述

卷之二

卷之三

恁麼說事不得說理不得理事渾融亦不得諸聖到此亦開口不得報國堂前一點也瞞不得雖然如是且建化歸信一句又作麼生道良久云徹底爲人三寸舌利頭終不兩殺心渴一渴下座

地藏聖誕陞座僧問地藏垂慈開正眼今朝慶誕又  
重新如何是應時一句師云大地盡沾渠恩進云恁  
麼則燈燭輝煌明法界香煙馥郁滿虛空師云有眼  
者見有耳者聞進云聲聲佛號天然善個個心空及  
第歸師云你那裏見心空及第歸僧喝師云再喝喝  
看進云把手牽人行不得惟人自肯乃方親師云理

之固然問擊鼓鳴鐘師登猊座四衆臨筵請師舉唱  
且道舉唱個什麼師云大衆共知進云如是則幽冥  
界內慈導主報國堂上獨稱尊師云益聲騎色進云  
恁麼則一朝天子令風行賀太平還許學人轉身也  
無師云試轉身看僧喝師云猶未轉身在進云人人  
盡有冲天志那個男兒不丈夫師云但願如是問昔  
日世尊降生一手指天一手指地云天上天下唯吾  
獨尊爲甚麼雲門大師道吾當時若在一棒打殺與  
狗子喫今日忽遇雲門大師來和尚如何相待師云  
今日不是者個時節進云是甚麼時節師云是地藏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

開正眼的時節僧喝師便打進云恁麼到者裏東土二三齊稽首西天四七亦低頭師云何不早恁麼居士問今朝地藏王誕日未出母胎時意旨如何師云異類藏身士云已出母胎時意旨如何師云一點也瞞他不得士云正生時求師通個消息師云汝還知凌居士脚跟點地麼士喝師云恰好不知士云禮拜和尚去也師云且喜沒交涉金漢翔問巧月三十地藏誕日開眼合眼則不問卽今和尚爲人一句作麼生道師云向上薦取士云若與麼則大地盡沾恩個個領惠去也師去汝又作麼生士云真個作家師

打云也須知棒頭痛癢師乃顧左右云大衆還會麼山門外說話佛殿前拱手聽的聽見的見且道聽見個甚麼響聽的道謂七月有三十日則地藏菩薩開眼且喜今朝地藏菩薩開眼了也諸仁者還見麼若見得地藏菩薩開眼處卽見得自己開眼處見得自己開眼處卽見得自己腳跟點地處見得自己腳跟點地處卽與地藏菩薩共知共見則不幸負地藏菩薩今日開眼如若未然終日忙碌碌到夜也只是個虛忙終日眼睜睜見底也只如個妄見祇如報國寺裏伐鼓敲鐘鐘鳴無鼓響鼓聲無鐘音又作麼生委

標述一

不空和尚傳記卷二

悉良久云好向此處究根源切莫隨他見顛倒不顛倒親見親聞明了了喝一喝下座

結制李如疾居士設齋請上堂師云佛語心爲宗宗通說亦通旣謂宗通說通豈可承言滯句墮義沉筌所以四十九年三百餘會譚極則笑破迦葉一張口面壁立雪分皮髓賺得神光三拜起恁麼喚作如來禪得喚作祖師禪得去此二途若現菩薩面向驢胎馬腹裏特露風規立金剛身入鑊湯爐炭中超然獨步直饒踏倒萬仞峰扶起破砂盆亦只喚得個隨類建化且與衲僧分中未爲奇特報國堂前早以風行

草偃更要揭露箇什麼諸仁者還有究竟本來者麼良久云好鳥啼聲春二月寒梅香發報君知喝一喝下座

二月十九清明日因講期上堂僧問觀音大士八萬四千寶目請問和尚那一隻爲正師云鐵香爐缺箇耳進云恁麼則前三三與後三三師云新柳抽條山眉如黛進云萬紫千紅堆裏遇春風陣陣綻天香師云且向自己脚下道一句來僧便喝師云再喝喝看僧禮拜問曲應一時卽不問單提向上請師宣師云點卽不到僧喝師云到卽不點進云學人只得禮

拜去也師云脚跟下事又作麼生進云作者難謾師  
云青草堆頭聲轉悲乃云至理無言非言莫顯至道  
無難惟嫌揀擇所以處林放光久默斯要彌勒騰疑  
文殊發問故謂之一大事因緣出現於世百丈拈起  
禪板瀉山踢倒淨瓶趙州洗鉢孟去雪峰輶越靈雲  
見桃花玄沙趯破脚指頭恁麼謂之向上一著報國  
寺終日搖唇鼓舌說一說一權說實說因緣說譬喻  
說若謂之一大事因緣出現於世則埋沒三世諸佛  
一片心若謂之敎外別傳則瞎却先聖一隻眼如是  
則鳥語風聲悠揚自在可惜許路上行人總不知且  
喜目前慶快諸人還知目前慶快一句麼喝一喝云  
清明時節逢人不得錯舉

上堂師云智不格物如果日朗於太虛理融頓漸若  
洪鐘扣於靜夜所以光流影寂那有纖毫泥滯響應  
聲隨豈畱音韻沉吟逃得聲色叢中過簷地玲瓏透  
徹從上祖師關一場靜悄直得七花八裂報國更與  
矢上加尖仔細檢點將來亦是勞而無功然雖如是  
早已鈍置諸人了也喝一喝下座

住吳江萬壽寺語錄

師於康熙八年在秀水如如庵受請於二月二十一

日進院

山門師云大誓門開闊闢廻別人間十方婆伽惟斯  
路頭而入祇如無位真人面門出入又作麼生以柱  
杖劃一劃云鐵牛鞭起遊芳草踏遍春光露不關便  
入

韋馱師云童真普眼祇園切不浪施應時及節正法  
賴以匡維三州神化作津濟隆興萬壽永無疆遂插  
香

佛殿云大圓鏡智大人相恒沙國土一毫端不道哇  
聲來特地天上人間稱獨尊恁麼盡大千界內無處  
迴避今日覩面相逢只得頂禮三拜

據室云鐵面金剛到來六十烏藤飄身轉英俊衲子  
喫着三頓痛棒蒿枝拂恁麼銅頭俱點化隨波逐浪  
任施爲便起

當日合邑紳衿居士暨閩山大眾請上堂師接疏云  
霞箋布彩秀水騰聲錦字函開松陵得地談叢瓶瀉  
舌吐回瀾筆陣雲崩毫旋光耀欲冀遐音再煩宣出  
宣疏畢指法座云八萬四千獅子座遍界一音震吼  
百億須彌盧舍身咸同此日分燈拈柱杖卓一卓云  
撥轉如來正法輪丹霄獨步絕攀仰遂陞座拈香云

此一辨香御之四海民新歸乎八荒日化仰惟  
聖德無私蘿圖永固又拈香云象分二儀品列三才  
伏惟文武百僚現任部撫按司都統副協郡邑侯宰  
城守戎鎮等位承願力輔國培邦助佛音酌唱恩澤  
又拈香云塵中作主物外橫身伏願合邑紳衿士友  
并及本寺請衆緇白分明智證無師又拈香云此一  
辨香雨洒風吹不着水漫火焚不及今乃第五回拈  
出供養禹門堂上圓寂先師萬如老和尚用酌法乳  
歛衣就座上首白梃云法筵龍象衆當觀第一義僧  
問檀護臨筵懷不二水雲來往更添欣師登猊座將  
何調令師云春日增光進云祇如一曲句含千古意  
萬年新發一枝春又作麼生師云垂虹亭畔水流東  
進云頂笠月上千峰外誰釣江風一點紅師便打僧  
喝師云漫哮吼進云知音猶在師打云切莫虛張聲  
勢問不畜一粒米接待十方往來請問和尚既不畜  
一粒米將甚麼接待十方賢聖師云任汝飽參僧提  
進語師云噎煞了也進云直得萬緣齊放下渴飲饑  
食不須耕師云未得其便在進云將此身心奉塵刹  
是則名爲報佛恩師云汝恩作麼生報僧喝師打僧  
禮退乃云佛以一音演說法四十九年不曾說着半

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

援述

個字脚達磨傳佛心印來至梁王殿上恰道個不識  
未免鈍置一番諸仁者還會麼此是迦文老子與達  
磨祖師打較不就的句子今日被萬壽覩破了也且  
道江城諸護法招山僧登斯座又如何話會良久云  
把手牽人行不得唯人自肯乃方親卓杖下座

二卷終

介爲舟禪師語錄卷之三

門人海鹽  
益證等編

小叅

爲紋菴對靈小叅師云今朝七月廿七大事因緣了  
畢生死本無去來聖凡兩途不立既是聖凡不立卽  
今紋菴道者向什處安身立命不見道有物先天地  
無形本寂寥能爲萬象主不逐四時凋若也如斯薦  
得則生不以生爲樂死不以死爲苦然而苦樂無拘  
是名脫生死去來之相也良久云信爾深心親領略

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

1 2 3 4 5 6 7 8 9 100 1 2 3 4 5 6 7 8 9 110 1 2 3 4 5 6 7 8 9

一念迴光明歷歷  
小叅師云根塵體殊性本無二緣名緣相爾現爾前  
離空離色靜極光生所以陰極陽生而萬物發萌則  
春榮夏茂陽盡陰施而群芳落艷則秋歸冬至年往  
月來故有輪轉遷流之變若男若女執質緣生故生  
歡死畏是乃被生滅之所繫也佛性塲中纖毫不動  
有什陰陽奇偶所變有何男女生滅所從塵緣刹海  
自性朗若杲日獨露真常當下豁爾圓明且道超元  
陸氏卽今向甚麼處安身立命赤體條條無罣礙蓮  
花藏海任悠遊喝一喝下座

徐仲達居士爲大郎屹瞻請小叅師云百千妙用自  
他不隔於毫端十世古今始終不離於當念驀豎起  
拂子云徐屹瞻還見麼汝還知自己靈明之性麼此  
性如水底月若空中雲雖有現相本體常存實無汚  
染汝因妄想緣合忽爾打個筋斗向徐氏門中耽閣  
一十七年旣謝此夢幻之軀正好向無生國裏逍遙  
自在不復更向恩愛中着倒老僧爲汝一一分析了  
也更聽吾偈曰十七年來童子身一翻遊戲走紅塵  
從今割斷恩愛索不復相牽父子情

除夕師云烹露地白牛分歲此是古人的家風南湖

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

今日亦不與諸人分歲且要與諸人索取露地白牛汝諸人莫有不甘服者麼如無恁麼又截汝諸人命根去也設有貪生畏死者試出來與木上座公斷看時一僧出衆欲禮拜師以拄杖止住云汝莫非是個當地賊麼要來偷取露地白牛的蹄肉麼快快招供免得鞭考教你有氣也沒處出如若不招只消一棒管取你見黑面老子去僧遂翻身便遼出師驀招衆云看看這僧供狀了也諸人還見麼賊已獲了賊亦去了祇如分歲一句又作麼生道正所謂好手手中呈好手紅心心裏中紅心遂拋拄杖歸方丈

拈頌

臨濟示衆云我在先師處三度問佛法的的大意三度被打如蒿枝拂相似如今更思一頓誰爲下手時有僧出云某爲下手師拈棒度與僧僧擬接棒師便打拈云

臨濟逆富連貧罄家一蕩猶向百尺竿頭弄線却令者僧纔擬構望便與捺倒雖然未免殺人犯手被這僧忍行苦肉誰知臨濟直至而今遭人簡點頌云子承父業自爲家不賣靈龜賣鼈蛇特向人前輕一擲遭他毒氣眼彌麻

烏石靈觀禪師因雪峰來叅敲門師云誰峰云鳳  
皇兒師云作什麼峰云來啗老鶴師便開門揭住  
云道道峰擬議師便托開閉却門峰住後示衆云  
我當時若入得老鶴門你這隊喧酒糟漢向什麼  
處摸索拈云

烏石豈但把頭收尾亦善回風戰將若非頂門具眼  
爭見雪峰氣急直饒住後恁麼告報未免上人門戶  
着賊頌云

打鳳羅龍手自高放收力不費纖毫雖然靈翮縱橫  
去未免投林惜羽毛

陸亘大夫問南泉天地同根萬物一體云云拈云  
大夫雖是個俗漢也識得肇公只是未會天地同根  
萬物一體王老師縱有機關猶似開眼說夢頌云

風吹水面千層浪月照山河萬壑明步步綠陰全體  
現踏花歌舞一身輕

洪州寶峰和尚因僧叅師云其中事卽易道不落  
其中事始終難道僧云某甲在路時便知有此一  
問師云更與二十年行脚也不較多僧云莫不契  
和尚意麼師云苦瓜那堪待客拈云  
寶峰雖則撥火撩風其僧不向路中探人虛實當

時待峰云不落其中始終難道便與劈脊一拳且看  
者老漢向什麼處開口頌云

其中事卽易白紙個個書黑字不落其中事難道長  
安路上馬喫草出征將軍誰敢當弦響應落天邊鳥  
行脚廿年不較多苦瓜待客知音少

黃檗示衆云汝等盡是噇酒糟漢還知大唐國裏  
無禪師麼時有僧出云諸方匡徒聚衆又作麼生  
師云不道無禪只是無師拈云  
汝等盡是噇酒糟漢還知大唐國裏無禪師麼腦後  
見腮可惜者僧不識語脉便向他鈎頭上竊餌被伊

掉轉風帆直教大唐國裏嘉聲獨布頌云

老年無事太風顛舞上高樓索酒錢忽把面皮輕勒  
轉猶敲花鼓唱樽前

阿難問迦葉世尊傳金襴之外別傳何物迦葉召  
阿難阿難應諾葉云倒却門前剝竿着拈云  
阿難雖則特地風波迦葉不妨順水放纜兄呼弟應  
有來由還知古人落處麼頌云  
金襴之外復何傳一語分明不二言直應剝竿隨倒  
却豈容蹤跡到門前

僧問葉縣省雪山童子捨身爲求諸行此行如何

師云掉臂街頭走仰面見青天云恁麼則迷人尋  
着向城路也師云此人入地獄萬劫出應難拈云  
不是弄潮漢焉能水底行頌云

醉人扶上酒家樓口裏喃喃話不休驀地燒身一把  
火始知痛徹入心頭

臨濟上堂僧出禮拜師便喝僧云老和尚莫探頭  
好師云你道落在什麼處僧便喝又僧問如何是  
佛法大意師便喝僧作禮師曰你道好喝也無僧  
曰草賊大敗師曰過在什麼處僧曰再犯不容師  
曰要會臨濟賓王句問取堂中二禪客拈云

臨濟老大大却被草裡蛇驚一僧雖入虎穴未得  
虎子還識臨濟賓王句麼兩彩一賽頌云  
春到黃鸝樹上鳴一聲啼罷一聲賡由來只許知音  
辨不是知音莫浪評

保壽開堂三聖推出一僧壽便打聖云恁麼爲人  
非但瞎却者僧眼瞎却鎮州一城人眼去在壽便  
歸方丈拈云

城門失火殃及池魚帶累這僧直至如今受屈我若  
作保壽又且不然當時待彼推出者僧便歸方丈晉  
教三聖一場慚懾懼頑云

逆浪長風勢潑天漁舟久慣不愁顛一聲歌罷歸家  
去載得清光月滿船

三聖云我逢人卽出出卽不爲人興化云我卽不然逢人則不出出則便爲人拈云

一個行處不見人一個見人不留跡且道二老還有優劣也無具眼者試分析看頌云

風來樹響水高船長出入分明影不孤向

深明二上座同過淮河見牽網者魚跳出深云俊哉恰似個衲僧相似明云雖然如是爭奈當初不撞入網羅好深云明兄你猶欠悟在明行數里至

中夜方省拈云

同行無疎伴話裡有知音俊哉恰似個衲僧相似好與三十棒何故奈伊向境上作活計明云爭奈當初不撞入網羅好亦與三十棒爲什一釣便上明兄你猶欠悟在雪上加霜行數里至中夜方省醉後添杯介上座恁麼據欵結案且道端的在什麼處頌云俊哉一躍逼英豪引得漁翁趁落潮急水灘頭流不住令人中夜恨方消

韓文公一日訪大顛和尚問春秋多少師提起數珠曰會麼公曰不會師曰晝夜一百八公不曉遂

回次日再來至門前見首座舉前語問意旨如何  
座叩齒三下及見師理前話問師亦叩齒公曰元  
來佛法無兩樣師曰是何道理公曰適來問首座  
亦如是師召首座曰是汝如此答否曰是師便趁  
出院拈云

昌黎老老大大春秋也不知大顛雖是本分宗師亦  
乃善呈巧手殊不知首座殺人不用刀活人不用劍  
致使大顛韓公伎俩俱盡頌云

一日登臨探蜜春等閒杯酒醉官人天然骨格風流  
異不落宮商調逾清只使兩般三叩齒令教去路一

聲新祇因爲說從前事禍入東家及北隣

其香巖上樹話拈云

香巖上樹大似蟬蠅眼裏打鞦韆虎頭上座善能向  
龜毛上見數雖然如是未免笑殺傍觀頌云  
機關施設逞英雄命在懸絲路不通却被虎頭輕一  
拶轉歸深處笑春風

僧問南院願萬里無雲時如何師云飢虎投崖拈  
云

者僧家窮計盡向人覓椀南院肘後青符善移星轉  
斗殊不知被者僧看破頌云

晴空霹靂打枯椿拽倒攔門破草房喪盡家私身萬里不畱雞犬落平鄉

晴空霹靂打枯椿一火燒空萬里荒飢虎投崖全意氣風生山勢長威光

萬里無雲僻地荒忽逢飢虎爪牙張進前莫問歸家路直下翻身去不妨

風穴禪師因僧問語默涉離微如何通不犯師曰常憶江南三月裏鷗鷺啼處百花香拈云其僧雖諳音律慣弄琵琶何如風穴老漢等閒一曲鷗鷺辭致使渠儂聽轉深頌云

遊人唱出陽春曲仙子猶將白雪歌曲入歌聲聲入耳直教織女也停梭

大徹底人本脫生死爲甚麼命根不斷拈云且道高峰大師命根在甚麼處若箇點得出許伊具隻眼頌云東風迎笑寒香足野鳥翩翩上樹頭叫得深閨人意惱一聲聲聽轉風流

外道問佛不問有言不問無言世尊良久頌云

一陣幽香入畫樓令人直下豁雙眸迷雲忽捲千峰淨良駟追風影不留

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

雲門大師云聞聲悟道見色明心觀世音菩薩將  
錢買餽餅放下手來却是饅頭頌云

不在目前亦非千里上大人丘乙巳

德山托鉢因緣頌云

托得鉢來貓呌屈低頭歸去鼠遭殃子陳父過楊家  
醜弟揭兄端話短長末後句異尋常密將意啓更郎  
當張三李四呵呵笑八十翁哭斷腸  
將頭不猛累三軍禍及私門千古評末後句絕烟塵  
殺人刀劍血淋淋果受記活三春更加一級令重新  
雲門乾矢橛話頌云

如何是佛乾矢橛情見衆生忙不徹天上人間沒處  
尋花街柳巷與麼得

僧問趙州如何是西來大意州云庭前柏樹子僧  
云和尚莫將境示人州云老僧從來不將境示人  
僧云如何是西來大意州云庭前柏樹子頌云  
趙州老子白拈賊將境示人何太拙又謂不將境示  
人誰知一片婆心切境示人是何說可惜春庭一院  
花遊人看得眼流血

百丈野狐頌云

不落不昧自全身一句明明當下傾海自宴河自清

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

洪述

不爲升龍記詩錄卷三

依前日午打三更

南泉住菴一日被僧打破鑊頌云

住菴日久戶常開忽地僧來打破鑊不是冤家不聚頭也要舉似話流布話流布南泉住處君休住

黃龍三關頌云

我手何似佛手任爾點胸點肘伸出一雙拳頭塞却沒量人口

我脚何似驢脚擬向甚麼安着蹴翻大海無蹤令人喜怒哀樂

人人有個生緣吟風弄月目前一任呼驢呼馬從來

骨格天然

臨濟三句頌云

舌根未掉虛空跨跳驀地相逢烏雲染皂

一撾毒鼓聞者俱死南山起雲北山下雨

春至桺青把酒上墳黃金萬兩火裏翻身  
詠其世

藏身處沒蹤跡沒蹤跡處莫藏身頌云

十字街頭尋不見虛空眨眼黃金變沒蹤跡處莫藏身南北東西雲片片電光爍破迦羅眼芍藥花開菩薩面菩薩面說與君今君不薦

鴻山水牯牛頌云

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

標題

外編卷之三

鴻山杜口強安名道是牛來又是僧兩號一身橫古  
路分明頭角自獐猙

衲僧得一合作麼生頌云

衲僧底事一何收出入行藏始自繇荆棘林中渾無  
事百花叢裡任悠游

陸亘大夫舉天地同根萬物一體南泉指牡丹云  
此花如夢相似頌云

大夫無事生事南泉眼裏着刺道甚庭前牡丹依然  
如夢相似

古澗寒泉頌云

古澗寒泉流到嘴邊買賣交易看貨還錢苦的苦  
的甜雪峰趙州舌頭匾

修山同地藏法眼論天地同根萬物一體頌云

天地同根萬物一體兩兩三三話短長咄瞬目揚眉  
的不是你那

臨濟栽松頌云

關頭把住難開三鑊縱橫無礙悕林千古宗風爐聲  
遍地若雷

趙州勘婆子破頌云

趙州勘破臺山婆笑話一場天樣大歸去家中忙舉

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

金華子言詩卷三

似誰知倒被婆勘破

天王道悟禪師常叫快活及臨終叫苦頌云

兩面三刀說秦道楚常年快活臨終叫苦何以故苦  
苦苦苦苦只許漁翁破浪歸行船又被逆風阻

瑞巖主人翁頌云

主人翁惺惺着向後莫被人謾却一一叮嚀報與君  
休把南山當北嶽

打牛卽是打車卽是頌云

起手加鞭車牛齊走語話甚分明舌頭不出口

古僧問玄沙如何是親切事師云我名謝三郎頌云

親切底事如何舉揚覲面提持無覆無藏向日江頭  
垂釣客今知原是謝三郎

牛頭未見四祖時百鳥啣花見後爲甚麼不啣花  
頌云

富貴招他賓客往貧來猶恨一身多慈舟不泛清波  
上劍峽徒勞放木鵝

風旛動頌云

不是風旛動風旛動是心當時廬行者錯認定盤星  
破沙盆頌云

隨拈一個破沙盆蓋覆乾坤絕點痕脫落家私無向

支那

金華子言詩卷三

生

170 1 2 3 4 5 6 7 8 9

180 1 2 3 4 5 6 7 8 9

190 1 2 3 4 5 6 7 8 9

撰述

背那堪殃及累兒孫

太白峰頭獨露身氣吞寰宇播乾坤破沙盆子輕拋出塞却如來正法輪

法眼指簾頌云

傑出叢林老古錐覩將簾指許誰窺直饒會得清涼意未免遭他腦後槌

文遠禮佛頌云

文遠心直口快趙州無端捏怪獅子咬人韓獵逐塊百丈惟政禪師有老宿見日影透窓問師云爲復日就窓窓就日師云長老房中有客歸房好頌云窓就日日就窓和聲報有客歸房等閒一句分賓主收却相思淚兩行

巖頭共羅山尋塔基次到中路羅山忽然喚云和尚頭回首云作麼生山以手指行這裡好一片田地頭喝云瓜州賣瓜漢又行三二里歇次羅山禮拜問和尚豈不是三十年在洞山來又不肯洞山頭云是山云和尚豈不是法嗣德山又不肯德山頭云是山云不肯德山卽不問只如洞山有什麼缺鉗頭良久云洞山好佛只是無光羅山便禮拜

頌云

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

撰述

卷之三

花逆春風十里香令人歡處動愁腸句中意言中响  
田地一片瓜不長只使瓜州賣瓜漢一秤秤去十八  
兩

因禪客舉一官人問海會愍璞娘生褲因緣璞答  
語官人舉似禪客客與官人俱不肯海會語故爲  
頌云

娘未生時褲一條等閒拾得便穿搖私偷出賣官酬  
價寧死公堂話不招

法語

付楷生鹽公法嗣源流

佛佛授受祖祖相傳本無鉤章棘句奧語諦言祗要  
洞明心地見徹骨髓如南嶽讓授馬祖一一授百丈  
海海授黃檗運運授臨濟玄玄授興化獎獎授南院  
顥顥授風穴沼沼授首山念念授汾陽昭昭授石霜  
圓圓授楊岐會會授白雲端端授五祖演演授圓悟  
勤勤授虎丘隆隆授應菴華華授密菴傑傑授破菴  
先先授無準範範授雪巖欽欽授高峰妙妙授中峰  
本本授千巖長長授萬峰蔚蔚授寶藏持持授東明  
嵒嵒授海舟慈慈授寶峰瑣瑣授天奇瑞瑞授絕學  
聰聰授笑巖寶寶授幻有傳傳授密雲師翁悟悟授

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

本師萬如微和尚是也本師卽授予以上師承各各皆有機緣符合茲繁不錄吁智與師齊滅師半德智過與師方堪傳授若不爾者縱饒舌瀉溪聲身融山色總非當家種草今楷生鹽公乃閩梁浦人也耐盡風霜歷於叢席忘形骸鎔聲色研窮宗乘究明實諦已有年矣獨嗟邪風之四起欲肥遁於山林翛然自適以了平生庚寅冬暮渡南湖過如菴訪予丈室予見其容儀骨鯁言辭入理因案頭有僧問古德云萬里無雲時如何德云飢虎投崖因緣令頌之遂頌曰天無四壁望無塵撒手懸崖豈顧身識盡蹤忘休覓

處從教獵犬吠旁人予領之遂畱過歲每於言中考論堪爲法門高士復勉之莫作自了漢也故書源流一則拂子一握以表信夫將來耳

付師貞長老嗣法偈并囑語

舊號道覺

師貞上座一日入室師舉古云恰恰用心時恰恰無心用作麼生是無心用貞遂下數語不契至次日早呈語云某昨承和尚逼拶夜不安席果某只到得者個地位今早方省和尚爲人處真知子莫若父也師仍徵語貞云竹密不妨流水過師云未在更道云和尚莫埋沒人好師云你見得個什麼貞便喝師云你

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

180

190

撰述

又強作主宰那貞禮拜便出故書付法偈并囑語云  
法法本從元法本無法付達此佛心宗無二無別故  
汝向拈天童師翁香已刻錄行今復入如菴室者實  
汝不自欺爾旣徹法源底此去宜保重深蓄厚養待  
龍天推出開鑿人天正眼續佛慧命是吾宗之所望  
也至祝至祝

囑宗極維那證公

釋迦老子四十九年譚空說有亦似打草驚蛇末後  
拈花方顯正法眼藏涅槃妙心付囑摩訶迦葉始立  
教外別傳之旨原師承有據遞代授手以至達磨正  
法流傳於震旦一花五葉識云金雞解啣一粒粟供  
養什邡羅漢僧出一馬駒踏殺天下人然而派衍五  
宗脉歸一致惟我臨濟大師突出頭地一喝金剛王  
寶劍直教斷人命根去更不用如何若何固爾唐宋  
以來代不乏人英靈群立各吐玄珠倒嶽傾湫一時  
聖天子國王大臣無不欽仰宋元如高峰大師死關  
三十年把住要津學者望崖退跡可謂寒香絕操彙  
萼傾姿三百餘年亦出我天童密雲師翁拈條白棒  
扶正濟北宗風佛來魔來總與棒棒到底致使談玄  
論要之士一見藏鋒結舌而履險驅耕不顧危亡直

**170** 1  
2 3 4 5 6 7 8 9  
**180** 1  
2 3 4 5 6 7 8 9  
**190** 1  
2 3 4 5 6 7 8 9

撰述

卷之三

令人當下徹頭徹尾不幸師翁於崇禎壬午歲謝世以來法幢秋臨祖道隆替而獅隱狐鳴雖則兒孫遍地亦不免玉燕雜目良可慨矣近來一等阿師不以本分爲人全向語言文字上作活計引些諸子百家五經四書或擣些莊老史傳以逞胸中學識富饒牢籠初機晚進鼓弄門庭鬧熱冬瓜印子不論是神是鬼遇着便搭圖其益盛如斯之輩他日閻羅王豈肯放過那不見覬子和尚僧問如何是祖師西來意師云神前酒臺盤樓子和尚聞歌云你若無心我便休便悟去此二老何嘗以語言文字爲印心印子來可爲千古宗猷萬世遺範也今宗極維那向習教乘歷年叢席而堅志宗門果爲已爲人須兢兢業業寶重自體切莫向這般群隊裡效樣茲付拂一柄以表師承有據源流不謬他日龍天推出自爾鴉王擇乳實吾宗之所望也祝祝

示吼如禪人

叅學之事無別貴乎真實老成古人三登授子九上洞山致於終身不變固有超群拔萃之風果爲生死心切要在立志猛銳牢牢卓卓挨拶將去忽然透脫如明鏡當臺無物不鑑到此田地始信毋自欺也邇

來末運狂禪掠人涎唾哄騙人家男女到處成蹟殊不知一旦熱病臨身平日所學禪道佛法一些也用不着可不憐愍者哉吼如禪人行脚造方切爲已躬下事豈作這般去就南湖亦不效諸邪師將無作有污爾清淨心田一味以實相告所以高峰大師云但得胸中憎愛盡不參禪亦是工夫咄喚什麼作工夫

示尼不違

不違四歲出塵十七剃染雖忝質於閨閣之中而夙  
因猶當不昧深可爲難得者也向曾親承龍池和尚

示以固身之語客歲浴佛日復乞漏澤筭菴和尚爲  
得戒師是時余居三師之列違今年已六十矣竟不  
被榮勢所奪而煢煢潔居堅心操道頗有丈夫之志  
古有總持今有祇園洞明心地各分燈續燄亦閨閣  
中人也不違雖未及古今超卓之輩而童真入道德  
行溫和居寒暑而動靜了然不生知耳順亦不爲壽

示張道友

廣額屠兒放下刀云吾乃千佛一數石輩禪師擲弓

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

170

撰述

卷之三

棄箭直下頓徹心宗由自大力量人自爾一肩擔荷順溪道友雖向鬧市中行住坐臥亦不見有人我衆生壽者之相更有一段過人頭處涉危險而能自持緣身塵而潔其行志意淳和言不二過食味惟蔬日以金剛經爲課禮誦精誠閒忼無間雖居俗地尚能堅心奉道豈不是過人頭處耶幸慶知非之年將登五十而知天命也正所謂率性之謂道信不謬矣

丙申秋入燕都笑祖塔前上供

拈香云此一瓣香得非容易等閒不燒非恩不報非價莫酬爇向爐中供養我曾祖月心笑巖老和尚伏

惟常寂光中眼光爍破四天下在遂揷香復合掌說偈云祖塔翛然思可傷兒孫祭掃甚淒涼化緣已謝三冬雪離亂誰親一瓣香節槩風高鳴帝闕源流的骨正諸方百花影落經行處深草苔封說法堂林木凋殘春雨露徑通雲水載秋光

丁酉秋解夏制後復掃祖翁塔

以拄杖指塔云大眾還知這老漢端由麼從此出從此入獨立孤峰等閒不與人謀曾向關子嶺打失鼻孔又入大覺圓老師室中脫落桶底呈個頌子云自笑當年畫模則幾番紅了幾番黑如今謝王老還鄉

支那

卷之三

七

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷三

那管平生得未得復至無聞老祖處得個正心符子  
回入京南圓通寺裡道個狗走抖撒口猴愁搜搜頭  
皆是佛法道理端的又作麼生一旦露布嘉聲坐斷  
天下人舌頭賺得個溧陽釣背筋老古錐向荆溪龍  
池山頂興波作浪沒殺個蔣三爺爺登銅棺山頂伸  
出頭來識得情與無情等同一體拈條白棒打鳳羅  
龍扶正臨濟宗風烟塵絕跡瓦礫生光乃至六坐道  
場末後向太白峰頭又賺得個秀州張阿師仍坐禹  
門浪裏淹沒許多不唧噥漢不肖今日覲面相呈且  
道還許這老和尚着眼麼祇如明明白草頭明明祖

師意又作麼生喝一喝云祖翁田地與兒孫寥廓虛  
明滿大地遂燒香

入室機緣

僧入師問云語默涉離微如何通不犯僧云統上孤  
危直下峭絕師云如何是統上孤危進云灼然無和  
尚師豎拂云這個聾僧喝師云且喜沒交涉僧禮退  
僧入師問云恰恰用心時恰恰無心用作麼生是無  
心用僧打一圓相師云却有心了也僧遂展手師喝  
僧作禮

師問僧云不假舟楫南湖如何得渡僧趨前三步師

云猶涉程途僧云卽今禮拜和尚遂作禮  
僧入師問云如何是祖師西來意進云鵠噪鴉鳴師  
云鵠噪鴉鳴時如何僧擬議師打云漆桶不快

師問僧云父母非我親誰是最親者僧云今日日頭大師云與你沒交涉僧喝師便打僧禮拜出

僧問云那個是某甲自己師云瞎僧擬議師掌云那個是你自己僧擬進語師又掌云放過則不可  
師問僧云九峰不肯首座且道首座過在什麼處進云一人傳虛萬人傳實師云你那裡得者消息來進云謾得阿誰師云沒殺閻黎僧禮拜

師問僧云：「南湖興波不作浪，你作麼生得脚踏實地？」  
進云：「今日不得作浪。」  
師云：「你向那裡安身立命？」  
僧頓。

僧入師問云如何是不落依倚的意旨僧呈坐具師  
云落依倚了也進云和尚什處見得師云賊物現在  
僧便喝師云好喝僧又喝師云再喝看進云和尚腦  
門着地也不知師便棒僧喝師連棒僧連喝兩喝便  
出師云猶強作主宰

師問僧云不動干戈如何得致太平進云干戈寧息  
師云干戈動也進云和尚在者裡恁麼師豎起拂子

進云太平本是將軍定不許將軍建太平師云却是汝不太平僧喝便走師云原來

垂問

未到南湖波浪滔天不假舟楫如何得渡已到南湖壁立萬仞作麼生得入理深談到與未到正在途路中好與三十棒且道是放行

介爲舟禪師語錄卷之四

門人海鹽等編  
益證

偈

造方丈山門卽如如菴

如菴菴席年來荒僻佛法無聞丈室誰葺欲起前因須憑衆力扶正宗風莫教狼籍掌不孤鳴木不獨立水到渠成功因漸積海流百川源歸一滴達本來人通個消息

化長生米

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

如菴不是無檀護怪我伽藍神不致故爾門庭冷似  
秋去來賓主兩三次而今我欲計長生須得長生一  
片地也弗難也弗易大家出隻通霄臂相牽共入選  
佛場莫教輪迴生死累

辛卯夏絕糧三月二首

緣歉自慚薄福人如菴獨力勉殷勤佛燈六盞油添  
月僧食三食鉢貯雲乞化檀門憎世眼持貧道義愧  
超群雖然衆不容多也將就燒薪日貫文

僧行不多二十餘商量佛法沒工夫炊羹乏米飢腸  
餒種菜攀腰氣力無說向檀那真實句飽齁齁地再

匡徒

結制化知浴

欲轉法輪第一義必須四事先周備如菴選佛場初  
開要化檀那百日費洗滌身心般若香大家都入龍  
華會

化米

現成公案古南泉牧一頭牛水草邊大地春風齊着  
力不知耕熟那家田我家田沒底鉢孟口向天

示叅父母未生前

父母未生前面目必須討個安身處終朝聲色不會

藏爲甚渠儂無本據

送豁然維那璉假旋武塘

克賓法戰何所長令行千古力承當不是久經臨陣  
將那能立國定封疆罰錢出院名播揚師門高出弟  
門強驅耕奪食興化郎正法眼滅敢覆藏爛熳爭鮮  
草木香一枝拔萃雪中王熟勝門庭窺諸方令人猶  
憶老汾陽南湖一棹拒滄浪羅龍打鳳網恢張擎頭  
戴角悉擒囊獨放俊鶻逆風翔距爪靈睛如電遑高  
視雲霄去武塘更有未後句未及與子訂期載春光

佛祖兒孫無別說端的是非當下督自家行履自家  
知爲人到底終爲徹煉得髑髏情盡乾一回入草須  
甄別君不見獅子威奮超絕等閒哮吼群腦裂

雨若書記四十初度

麥浪秋風夏初暑清泉雀舌石鼎煮不昧靈根歷劫  
來信地花逢時自開迦毘羅國一聲吼天上下天下誇  
尊口雲門老子太無端拈棒打殺餒却狗丈夫志氣  
若如然目視雲霄廓大千不叅銅頭鐵額禪舉足動  
步踏生緣卽心卽佛非心佛畢竟心佛是何物四十  
光陰倏忽過五六十快如梭古稀之壽世無多縱

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

爾百歲一刹那有朝晉地忘言語那時方知應自許  
貪嗔一把利名刀何不從中放下高一念妄生諸想  
示在家道友集心空塵淨萬緣消

擬大珠和尚三意況韻

我無意況大好知足處無煩惱面無慚色負人卽此  
平常是道不以心覓安心也無了與不了雲騰化其  
自然顏本貴乎非皂果得心體一如不妨和身入草  
我無意況大寃彼此無諍是安履踐在於貞潔發言  
莫若易難染衣被而自省花冠謝以何看但心無累  
於物世緣督爾非干

我無意況大奇物我怡然何欺是衣可以敝體是食  
可以充飢任從百巧機宜難得一默爭癡玉瑛花非  
燕石心光耀徹玻璃道化無方不化不知是以爲知

禮幻祖塔

師見燈花爆悟道居五臺後笑祖以笠覆爲記云

振濟宗風大用施潛身不着外威儀燈花爆却瞎驢  
眼笠覆清涼師子看雲曉牧童刪徑草影縣山月印  
龍池春林雨洗莓苔綠百鳥啣花未教遲

賦得無求到處人情好二絕

春風爛熳啼黃鳥一謝東風何處討莫若平常亘古

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

心無求到處人情好

世情冷暖相從勝雲鶴無求氣量高來去歲寒松柏  
立看他霜雪豈同曹

爲宣微禪友五十兼書大經畢

持梅霜雪裡供柏老庭前僧臘形忘久大椿紀引年  
書經閒貝葉閣筆慰流泉志道無餘事安心已學禪

示尼無起日課蓮經

動靜閑忙轉法華閒忙無起法華轉風清月白恁麼  
時一念不生誰隱顯

又請題卷子上是卷係諸知識贈言并親筆

三周舊制妙堪誇火宅門開長者家入理譚深窮子  
事真乘示等白牛車佛身已許成龍女聲色何妨轉  
法華領略目前無量義大千世界眼中沙

次除夕貧字韻

村居埋歲月不與問疎親思卓錐無地慚孤德有鄰  
更符驅鬼魅爆竹謝天人陋巷堪持樂年窮未若貧  
和趙州祖師魚鼓頌

一聲天竅出凡功化道無私語不空喚爾靈明知覺  
性莫將音韻等雷同

勉僧叅究

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

了生脫死本無他只要工夫切到家拚得一翻寒徹  
骨自然雪地見梅花

咏梅贈宛在菴主人

號物如天童密祖披剃

梅點春風宛在林冰稜骨格玉團心神清有異超凡  
萼調別難將共一音瘦影尚高雲鶴致奇枝偏向雪  
霜吟卽從見後無非佛何用年來識話禽

竹知兄別余十有年餘忽過如菴話懷兼贈別  
弁峰昔日話瀟湘今到南湖話更長柳暗桃紅春意  
足風清月白鶴雲翔扶弘祖道安心竟整頓頹林論  
義章勘破五家禪一味猶拈六字教提綱習蓮宗

牆邊竹忽爾透屋裏衆立索題

描不成畫不就如何特地牆邊透撇却梅花幾樹香  
風風雨雨窓前候丹青約爾伴天涯切莫將名貨與  
他幾度風搖搖不動昂昂骨格自堪誇

過淨慧園挽尊證闍黎清菴師

時圓寂天童

師之去兮何所曉黃花灑淚沾秋草諸子無聞向上  
機利竿此日他方倒繩牀不繫舊時衣瓶杖誰復將  
塵掃太白峰前獨露身廣陵影落空堂早咸來覩目  
痛傷悲七百人師今已老

卜隱

1701 2 3 4 5 6 7 8 9

1801

1901 2 3 4 5 6 7 8 9

小小岩阿好結廬架椽不用施班斧天生綠木足堪  
棲巧手輸他還在魯

贈梁谿菩提菴主人六十

月入薰風南畝燥一池淥水開新藻溪築竹徑放僧  
閒門對山峰歸鶴巢寸土深藏亘古心桃花發見平常  
道任將滄海易柔麻髮變不從今日老

示勉志

十年未必成名士一念廻光頓出塵今古白衣多拜  
相眼看都是丈夫身

治升董居士乞薦室人超源朱氏

分明箇事不假胞胎獨露真常無去無來當下知歸  
兮逍遙自在觸目菩提兮縱橫無礙從今透脫死生  
關任運騰騰充法界

克已書華嚴經

漫去南詢烟水寒百千盡在一毫端直須親到妙高  
頂未免渠儂句下瞞句下瞞八十一卷絕遮攔始知  
百城烟水易五十三參一筆完

訪慧乾道兄詰懷

知已話長白日短菊花香冷鬚毛寒吹空楚角天中  
落動地胡笳馬上彈林下笑歸周禮樂席邊歌舞漢

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

衣冠磨磚作鏡徒然事斷臂求心何處安山徑刈茅  
逢每異入廓垂手恐多端

勵參禪者

學禪不在論談雄貴要虛心肯用功勘破香嚴親切  
處無錐無地始知窮  
參箇話頭鐵橛禪八風吹不動如山一回撒手親承  
徹倒卓須彌笑破顏

欲了生前生死關也無奇特與忙閒忽然驀見虛空  
碎自謝胸中人我山

蒲團坐破成何用讀盡詩書文字禪不了心頭差別

見鑽他故紙枉徒然

書寄江干諸友

三十餘年媿不才幾經寒暑日摧頽蒲團坐破思長  
慶茆舍移居想大梅三頓恨深太白棒一聲殃及禹  
門雷漫言跳入金毛隊羞見東君江上來

贈藥雨禪友以醫濟急

檢點心頭事了然拈來是藥濟貧緣人人喫着通身  
汗賺得給孤金布磚

贈玄音居士

趙州婆子話頓徹目前機截斷中途句全提正令揮

180 1 2 3 4 5 6 7 8 9 160 1 2 3 4 5 6 7 8 9

掀翻今日案勘破古人非禪不學文字心空始自歸  
贈淨慧園主人恢宏梵刹係先人舊業號祥光  
力承祖業建新林那水重重烟樹深剪棘鋤開三徑  
草畱雲瓶瀉五湖聲熟耕畎畝資香積閒種松風集  
梵音饒舌不談陳底事偏宜愛我話傾心

過金陵杏花村示心見學徒

入林深得趣攬景居無厭花木雜顏色石泉流野灔  
閱心唐梵書磨筆古今硯鳥跡謝啣空目前休異見

五日偶成

五月榴花紅似火剪枝揀向艾旗左不用硃砂畫靈

符只消此樹驅鬼神籬築江心鬪木龍彩橈浪裡爭  
人我也無角忝汨羅投那有青錢買供果一滴清泉  
散睡魔大家開眼好打坐毒蛇百腳飲雄黃魍魎箇  
箇唉封鎖

過金陵訪同門話懷

憶昔同登金粟峰翀霄志不受羅籠鋒藏鉅爪驚群  
異調別玄音振祖風扶起破沙盆子案拈提正法眼  
流通好施棒雨爲霖日渴及雷轟建業中  
披緇後與古南和尚機契茲年登不惑之慶而  
梅溪大山兄者昔爲天童師翁護法弟子經變

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

受囑於昭陽是謂喜慶雙臨也高足接旋卽鍵  
關作把關十咏一日示予又見自贅矮翁爲別  
號更羨三絕孰可繼焉辛卯秋日述賀并祝云

有石勒梅子熟也  
四字匾曰正日堂

矮翁軀短胸襟長千丈盧身難比量澹泊世緣名利  
淨幽居林下道風香法筵炙口熟梅子龍象掀眉正  
日堂從此嘉聲流布也庭前柏老壽無疆  
物如兄被盜驚書寄卷在水中有白蓮衛護  
溪流香泛白蓮開隔斷紅塵影不來忽被西風驚熟  
夢一番心事盡成灰

庚寅歲底喜楷生鹽公至話懷以詩呈遂拈筆  
和韻兼勉其志

寒結霜花澗谷深香未施十年經作夢千里外逢奇  
論法寧無惜扶林賴有持莫將茅舍隱覆却祖師肩  
訪彙旃高居士諱世泰

選佛選官較一籌呼名信不諱裴休却將法網張黃  
口便就儒冠駕白牛縱奪枯禪生活計放擒快鶻逞  
風流梁溪輸與高居士掉臂伸拳百草頭

和輶轡道人對玉環帶過江兒水

邁古超今步行騎木牛傾家蕩酒有甚是冤仇心空

1101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

歸及第禪說沒量口又堪美儒釋道衣冠何曾容泊  
奏語嘿機鋒鬪始終見作家到處呈好手呸說什麼  
那引蔓牽枝笑春風翠柳銅頭鐵額山中有君知否

徐仲達居士索書扇頭

在家出家法無別只要當人志猛烈識破根塵情愛  
除眼前光景一時滅大丈夫超群越一言旣出如釘  
鐵君不見詩二百一言以蔽將何說莫教情生一念  
差二六時中須透徹

示參本來面目

大事未明莫等閒急須力透祖師關忽然覩破娘生

面鼻孔何曾有兩般

述懷

舉目林泉無個士孰爲隣與話滄桑法幢逝水空庭  
息何力能扶祖道昌

己丑冬一日送元龍許秀才之龍池

出塵須得丈夫志丈夫之志非容易全憑一片鐵石  
心入佛魔境超群類若爾依稀似庸流未免仍遭聲  
名累噫嘻今之妄傳燈慧命懸絲何所嗣大徹還他  
斷臂人九年腰雪拔其萃高梁淨地益安身一一皆  
承血力被思古巢穴律其形瞻之仰之今可媿君不

1 2 3 4 5 6 7 8 9 10 11 12 13 14 15 16 17 18 19 20

1 2 3 4 5 6 7 8 9 10 11 12 13 14 15 16 17 18 19 20

1 2 3 4 5 6 7 8 9 10 11 12 13 14 15 16 17 18 19 20

見風流獨邁老趙州庭前柏子翻身異香嚴一擊忘  
所知靈雲眼廓桃花刺君之子兮越天然不駕車牛  
奮猛智孤征扶正一帆風莫放繩頭空掉臂此去禹  
門浪濶天牢把脚跟着實地得聆劫外春消息歸來  
烟雨恣遊戲

庚寅秋毘陵俞玄音居士以禪頌八章書扇頭  
見寄卽原韻和答兼致之

莫謂奇逢火裡蓮也須親悟祖師禪若還不得偷心  
盡搬運庭勞枉度年

鬧靜閒忙仔細看縱橫無礙始安然從來不借東君  
力豈受桃花當下瞞

坐斷目前無一物將何指示意多端豁空見徹娘生  
面莫把腳頭上別船

欲去謀生生本無試將何物堪爲死死生不立透重  
關飛出紅爐金彈子

坐脫立亡猶未美撐撐拄拄可憐生縣崖撒手承當  
否漫謂無錐卓是貧

指天指地稱尊貴爍破乾坤眼底光若箇猢猻捏不  
殺如何證得法中王

八萬孔中藏舍利道堅骨具信存畱功程不計終須

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

得打破虛空見觸體

踢翻大海波濤靜勘破揚聲臭老婆百萬人天輸一笑  
鎮家種草不須多

建秋亭索和韻

拈莖草木建秋亭四面窓窺月到楞好看情空於此  
際一聲落葉又誰聽

爽氣清臨上小亭林生月白見疎楞坐中有曲非同  
調四海聞音別一聽

見禪者書携筇太白下百事懶營爲之句遂續  
成章以徵吟者勉志

携筇太白下莫道事無爲飲水須防噎吹燈忌失眉  
臨岐問道晚去劙刻舟遲寄語吟題者驚群始見奇

送友隱居

一帆吳越話重逢又曳孤筇上別峰烟鎖春林刪草  
木月明簾外看芙蓉笑談倦臥三竿日吟咏長懷千  
里風去路必須憑指示莫教滅却瞎驢宗

寫龍池新建從雲亭兼寄斷疑法弟

聞說從雲亭構就崢嶸頭角鳴宇宙剗磨林巒黃葉  
飛蒼松不改顏如舊怪石稜層兩岸水濤聲漫瀉晴  
空吼蒙烟帶霧龍行藏徘徊秋月峰群秀莫教眼底

9  
100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

爛熳紅寒岩徹骨香自透

中秋送古帆法兄住寶山菴

桂林香飄雲彩化一輪皓月充天下世間何物堪比  
倫惟有道人行處不着聲名價單提玄機接上流不  
打葛藤之平者三寸能擒猛丈夫一條榔栗佛祖魔  
來都與打禹門浪裏昂頭角寶山峰頂眼卓絕殺活  
縱橫棒喝施直教千手大悲難測度只許獨行獅子  
兒拋擲繇來乾坤濶

衲山禪者續茆索書

遺風千載衲衣閒末後拈花笑破顏不是無禪師有

愧追隨茆舍入深山

草鞋行脚徧吳越收拾歸來入虎穴趁出麒麟獅子  
兒峰頭夜夜猿啼徹  
刪草鋤雲就卓菴拋空一擲韻成三打頭句子分明  
說瞬目揚眉莫放愁

禪者呈偈遂走筆和勉

大唐國裏不無禪事到叮嚀倒刹竿只爲無師應吐  
舌令人千古亦心寒  
忽見溪桃甚諦當再三勘徹道方親而今若箇能投  
句可爾臨機第一人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

不須把住任悠遊撞倒崑崙赤脚走入佛入魔眼底  
塵驅耕奪食何前後  
日月雲山天地埋大光明照豈吾儕風流父子南泉  
老殺活猶較頭頂鞋

涼風飄飄撼林木擲釣洪波鱗甲多莫道秋光歸去  
好五湖烟景事如何

施茶

十字街頭開箇舖不將顏色攤門戶頻傾七碗展家  
風須用信心檀越庫

贈茗關主

號清源

耳順餘年復掩關始知心印狀如山君臣道合兼中  
致賓主全提大用間撩亂春光新語句澄清皎月舊  
容顏好將幽徑通雲鶴玄要臨機不等閒

示脫白沙彌

年今十七得爲僧是此知非將相能猛策越群須上  
志殷勤學業力規繩齊賢必欲思三省了義當先究  
一乘他日心空歸及第成株大樹碧層層

和嚴居士寒字五首

九年面壁不爲難千古聞風立雪寒斷臂始知求法  
異真乘六代位單傳

1901 2 3 4 5 6 7 8 9 1901 2 3 4 5 6 7 8 9 1901 2 3 4 5 6 7 8 9

少林碑碣歷霜寒正位傳燈早已刊關係是非前宿定亂流何事喻江干

明星夜覩碧光寒此道無爲與勢干不料兒孫今古異短長攻擊笑旁觀

深知仗劍逼人寒善受輸他地面寬堪笑當時謀略少如何不教告經官

天威一發斗牛寒試火焚經道俗安所以王臣金口囑爲今教外別生端

示方爾嘉善友

佛老當年教有言開權顯實示根元奈何見墮三乘

慢瞽爾情生八苦煩領略談空成夢幻應觀法界破心猿嶺南道者分明說不是風兮不是旛

泛妙喜過悟空菴訪清伯黃居士不遇聞入煉士社去書此五章寄致之

煉石修身何足堪長生秘訣不爲難昔年問道黃龍老仙骨傳燈器量寬

春歸屋裏百花香徑接窮巖有異芳過客到門呼弗語點頭石已悟空王

清目冲雲幾箇山一回登眺鳥關關歸來戴月泉飛雨茆屋沉沉松竹間

9 10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

洞繞長生不老花千年結菓味堪誇  
凡人若也知端的來共烹泉試釜茶  
居山儘有居山趣莫道居山與世違  
雲去月來光燦熪炤人天地一同歸

雪中寄厚菴曹學士

詩本榮

天玉從空落瓊花應瑞年夜行人主義茅顧臥龍賢  
語覆千山頂機忘一色邊棒頭三頓後誰說老婆禪

贈蓮親顧居士

蓮出淤泥越衆芳輕塵不着水雲鄉許君親見一回  
後在處花開般若香

贈報國寺賓如教王

化門賢敎王塵世尚爲賓律正心無咎袍方道亦親  
清名廉法侶器量悅王臣交結一平等如常豈愧人

丁酉秋解制後別院王覺幻公之南

破屋楊岐風凜冽宗門千古稱豪傑滹沱玄要啓大  
方正法眼藏瞎驢滅三脚驢子弄蹄行賣弄西河真  
骨血掀天括地振頽綱驅耕奪食抽釘拔楔卓犖門  
牆壁立峰躋扳孰入雲霄穴鳳生鳳雛翅摩空虎生  
虎子威猛烈男兒立志必封侯道者尊貴絕其流豈  
不見出家乃大丈夫之所爲非將相而可匹其儔反

古思今能幾幾盧能衣鉢豈同擬而今南北總是禪  
青黃混說通玄理我亦乘帆向此來恍忽一期方便  
爾前入京師七月一茲欲旋南中元節蟬鳴露降涼  
颺拍雖別君兮君勿別不落其中事卽易始終難道  
一葉落時秋聲擷堪持此語爲標格直教棒下風顛  
徹肋下拳最親切相信何用多饒舌

別禪者南旋

秋末沾林衣露香就移短棹泛流長道交冷澹朋情  
重離別風塵世路狂黃葉亂占投澗落白雲歸必去  
山藏堪憐此事同誰調南北宗乘定有方

示潘道生居士

先賢所以外聲名本立何愁道不生見徹源頭隨處  
入紅塵堆裏一身輕

示胡文宇居士

一輪皎月徹秋光萬境清虛透碧窓人坐中庭何所  
思須知別有好商量

示史元之居士

人生世若日中央影去如飛下夕陽打點歸家何計  
較莫教臨夜路頭忙

示沈彥先居士

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

都道十分不得閒奈何難打利名關目前景況如能  
却在處紅塵在處山

別童上甫經歷

秋林爽氣甚舒懷可耐秋聲寒漸催道者不妨相別  
去悠遊南嶽與天台

示吳金谷都司

我佛叮嚀會有言須憑信力究根元從中一念狂心  
歇了却千生萬劫冤

江干任雲波秀才索偈遂走筆書示

君曾與我素相知今又相逢話別離論盡世緣何可  
惜惟憐鬚髮滿頭絲熱腸冷語贈知已只此分明牢  
記取

梁谿自如師會居靜匡阜年經七袞書贈

廬山面目識頭陀二十餘年住若何歸別西風開晚  
菊去來夏日長新荷倚松恣爾雲中鶴弄影相呼水  
上鶴忘却從心緣所欲徑邀明月入高歌

咏雪

栗火銷鎔金彈子楚天風落玉花飛空山不見樵行  
路多半牧羊人未歸

與友話及論古今事

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

樹圍日暖香飛烟鎖林間翠微與坐談論石悟就溪  
洗鉢龍歸蒲團坐破心空梅子結成佛非不用玄言  
妙化自然到處忘機

送友居山

秋將半入蘆花白新葉飄黃尚未多此去峯頭高着  
眼不妨榔栗任橫拖

除夕

人人盡道三十日臘去春來咸委悉凜凜朔風徹骨  
寒梅花早已通消息

看雲

看雲雲去復歸來來去分明不假胎碧漢無門天地  
潤寰中有路絕塵埃飛空載雨傾滄海化影藏龍徧  
九垓不向烟波畱形跡待將明月下蒼苔

贈明余老衲號

當人則不輸名姓喚去應來只是余信向箇中明底  
事了然何處不徐徐

拄杖

標格出凡子立挺然日炙風吹不易不遷亘古無虧  
磨礪愈堅超群物表縱奪機先

拂子

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

一毫端上露布十方橫豎任運卷之勿藏絲來線去  
體用全彰垂示今古法脈流長

鉢盂

巨口向天赤陀陀地萬象平吞全沒巴鼻具滿月相應人間食隱毒龍身拔文殊智

蒲團

聚鬆月扇玲瓏日面蕩坦盈夷渾然一片天地周流  
乾坤際遍放眠身安跏趺無倦

附法派源流字派

行源清淨海流亘百川深法脈傳千古洞明佛祖心

介爲舟禪師語錄卷之五

門人海鹽  
益證等編

傳

龍池先老和尚傳

師浙之禾郡秀水張氏子也諱通微號萬如嬰齡喪父隨母金氏育于外家稍長從世父習業遽有出塵之志年十九投郡南興善寺禮涵初公脫白後參方受具戒閱禪關策進遂提撕無字公案歷扣名宿偶閱楞嚴至諸可還者自然非汝不汝還者非汝而誰

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

〔撰述〕

〔卷五〕

恍有所得往參湛然澄和尚問無夢無想話一日湛  
上堂云衆兄弟且道一切放下阿那個是主人公豎  
拂子云舉頭天外看誰是我般人師聞若暗入明特  
歸養母遂卜居於華嚴橋之西舟淨明菴居處是時  
密雲師翁住鹽官金粟寺師造其室翁一見便問者  
位僧那裡師便喝翁云老僧過在什麼處云再犯不  
容云犯後如何師擬議翁便打云該我打你師汗流  
浹背從此心中疑塞仍歸事母朝夕証一日入城  
聞人家打小廝云看你藏在那裡去師聞之釋然遂  
口占偈云沒處藏沒處藏全身獨露在街坊堪笑華

亭擺渡漢葛藤打得太郎當雖然尚未自肯適因毋  
逝遂再之金粟由是情不移物立志益勁一日見僧  
問師翁云如何是佛法的大意曰近前來僧近前  
曰老僧從來未曾眼花僧罔措師聞洞徹玄旨頓釋  
從前寶惜及觀經諸公案甚麼弄猢猻圈續欣歸  
舊隱有居士黃清伯者與師道契日深遂鳩資買民  
屋易名桐月菴遷師居之寒暑一衲學不雜習經史  
傳紀一日知源師雖了悟縱奪隨方意不傲物交接  
冲和禾之士大夫咸推師德請至東塔師辭讓不已  
遂勉赴焉一時聞風趨影道俗具瞻於是結拈花社

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

以策勵同志居三載四方耆宿咸來咨決於師師每却席以待如杭郡司李端伯黃公臨未必問道於師機緣載語錄中師臨衆寬直所是必進之以禮非是則規之以道及辭院之日內外眷戀如失依怙焉崇禎乙亥冬天童老人七十大慶師懷香拜祝入門便喝翁云胡喝亂喝師又喝翁又云胡喝亂喝師遂禮拜翁打云你再喝喝看師云蒼天蒼天便行翁呼云萬如我直下疑你者兩喝道道看師云歇歇與和尚道遂出自茲師翁鍾契固畱住山師以院事辭歸未久退院尋依座下命典客司次侍巾鉢方親智證咨

辯益新一日翁問師云般若無知無所不知速道速道師拍膝而出又侍次舉一翳在眼空花亂墜你如何會師諾聲便出又一日問師云薰風自南來殿閣生微涼汝作麼生會師云嚴霜初降徹骨皆寒曰天地懸隔師拂袖出復呈頌云薰風自南來殿閣生微涼徧界寒毛豎將身衲被藏鼻息鼾鼾一覺醒從來越國是南方師翁深加器重歲丁丑履素黃公承昊致書迎師歸舊隱翁遂授師大法之囑因山主履素別號如如居士故欣然書如如菴匾額是以改桐月爲如如菴也於時德聲益彰三年如菴遂成叢席辛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

名公集

三

已冬檀護躬請開法四衆駢集千指悅依壬午履素  
公蒞任閩憲公清風儉節一臨境俗易民歡聞曹山  
法席久虛鐘鼓聲沉杳公馳書有住持之請師欣然  
以赴進院之日公親臨請法陞座其叅叩盈室而風  
行閩粵是歲天童師翁示寂于台之通玄師聞訃奔  
往且迎翁全身入塔于天童時癸未二月也居無何  
而隨有龍池之請龍池者元一源禪師受得法師某  
逢龍卽止之識始卓錫於上龍池次成叢林于中址  
當是時源師三賜號五勅大刹俱辭謝而獨休老乎  
其間其骨塔遺頽幻祖在日囑遷共一塔焉有懸虛

閣避暑窟尚在餘廢莫知其代迄神廟間林壑寥落  
于時有毘陵唐太常凝菴公者居京師問道於幻祖  
機契執弟子禮遂延祖南來卜居于此卽今下龍池  
是也重闢堂宇大成法席題曰禹門院而濟上宗風  
從茲得振於南矣歷甲寅幻祖西歸密翁禮奉三祀  
方岳接踵開法因同門眷屬不相爲謀遂拂衣長往  
一虛此席廿有三載維時翁王金粟赴黃檗遷育王  
後居天童所至道風遐播王公貴戚無不傾仰翁雖  
時戀祖庭不免千里間隔且眷屬蕃衍日久事生勤  
舊滌塵公者商之郡邑檀護議請天童法嗣擇其德

量相宜者來繼此席俾山門尊重檀護悅其言輒致書天童敦請適因師翁葬事同門畢集衆兄弟咸推

德之廣振祖父之條內外遠近一時悅服始信衆舉

之不謬耳師初入院薪不繼炊廩無儲積甫三載適

遭鼎革烽烟徧布劍戟封林村塋之民輒城移山遯

所畱僧伽黎輩兀然蕭寺中憑陵寇盜時恐侵膚及

骨有謂師曰事將逼迫奈何師曰行教化臨患難自

古不免況祖塔重係笑可委而去之寧束手俟命而

已衆聞師語併力堅持幸無恙嗚呼爲祖擁護爲道

持身而臨難不懼者求之於時孰若師乎歷乙酉越

丙壬間雖天步初安道路間尚草竊充斥但聞入龍

池者喟然興善遷義或操戈入院瞻師顏聆師語皆

拜謝而去繇是樵採入山之童牧俱沾師德云當是

時禾中檀護屢致書迎師謂如菴爲師發跡之地欲

求重理緣兵燹之後蕪穢不治師不忍從前心力隳

于一旦於己丑春至禾晤諸檀越嵩爲如菴囑托務

求得人泊一夕卽返毘陵不意山中忽被橫累有囚

執僧行去者師聞之駭異不知殃及何由適當郡協

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

鎮曹公虎慕師拜訪一見投誠敘次有山中書報遂對衆開緘始知波及之累卽將事細白於曹公公曰龍池雖密邇寇穴海內誰不欽仰爲祖師道場卽全身擔任親提面鞠其事一山之安賴公之佑也此非道德所感何機偶若斯耶時又屢經歲饉海內叢林俱告窘唯山來衆甚多執事謂師曰廩虛庫乏將若何師意殆欲言時尚未出口座下弟子各以意領而罄囊典衣捐金持化來衆以安於是口碑載道叢慕爭先四方列刹莫不渴仰師至時徑山天童興善累次求請師以祖庭塔立剏守非易槩謝不赴順治癸

己仲夏師臨花甲之慶縞白披誠而祝者罔辭遠邇跋涉稱一時盛事云師三建法幢任必先勞早夜勤督弗倦衲子陞堂入室者機融利鈍病去膏肓撫衆御下老幼咸宜猥屑頑愚者師亦恕容相待聆師之誨皆抱謝負愧焉衆中有病者師必躬臨撫慰恒以香資備藥餌調治師歷嘗甘苦自居禹門祖道重新百廢具舉道勝之韻應若春煦人人實往虛歸乃至林木增翠草色遙香檀信雲奏雨合皆不期然而然洵德符道化所至也師闡化廿有餘載有語錄若干卷行于世師世壽六十四法臘四十五所化者數千

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標題

方外傳奇卷之五

嗣印者數十剃度者二百餘人丁酉元夜舟在燕都  
普濟院忽得夢境自立露地見大雪飄身口齒俱墮  
遂以手捧牙而覺遂增疑慮急欲遁歸次日告其院  
主主曰此夢中幻境何足怪焉勉畱堅請結夏解制  
于秋八月旋南至冬月抵常之龍興院正擬謁師不  
俄頃而驚聞訃至心駢語絕遠奔赴師入滅七晝夜  
矣嗚呼師逝也智燈滅燄法海停波天人悲集道俗  
失儀山光掩暝泉鳥咽聲大眾孜孜兀兀若嬰兒之  
喪怙也是山有娑羅樹二株圍數抱高百餘尺相傳  
謂一源禪師手植向甚凋落及師入院花葉榮盛師

化之後花葉頓然衰萎亦異矣哉越明年八月十九  
日奉師全身入塔塔在山門前若干步塔基爲毘陵  
唐氏所施師誕于萬曆甲午五月十五日示寂於順  
治丁酉十月二十九日梁谿學憲彙旆高公世泰爲  
師銘其塔

書引疏

東履素黃老居士

久違起居清勝爲慰前枉顧菴中慢甚日聞有小恙  
得輕安否所謂八苦交煎總不妨老居士畱心祖道  
日久矣諒此小恙自弗能牽動慧力也但向所謂究

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

心於此道三十餘年尚未得因地是爲苦耳誠知老居士於道毋自欺也曾閱老居士折肱錄審藥性及病元論徹骨髓然貴智者識得病元藥治故不假吹灰而愈矣古云一切語言如對病與藥老居士自料識得藥病固不待言然而得藥病俱除否除藥病且置祇如飲藥治病的時節正恁麼底又飲治者是誰誰之一字尚不得況藥病乎於斯驕地一亮則盡大地是個黃老居士黃老居士通身是病是藥猶何如請自定當一回看有何藥病可除若然始得平常心是道良爲知己具以直言相致

請古鑑法弟繼如如菴席

心不釣名名漸以退材非稱職謝任尊賢曩者蒙山中老人卜主如菴院事甫及三載卽欲告退奈老人抑不允諾書謂老僧老矣龍池尚難料理豈更管如菴乎又云如菴老僧發跡之地如果不欲住卽尋的當人交與審斯語卽見老人念如菴之深也某固勉力撐持以月積日累營山門伽藍堂祖師堂建方丈禪房前後共一十七楹收裝客堂齋堂浴室并器具單帳俱各十備八九矣常住有各處田畝基地已併歸僧畠菴名立戶以存永遠庶免後之煩徭矣聊書

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

六載之心妄叨承于父業雖引喰於同門不足惜也  
茲者謹遵老人規諭決言必毋一致恭惟某禪師法  
源方分宗旨共建枝葉同條本根一貫娑羅雙樹即龍  
池佛殿前遍界清涼太白寺山名一燈千古徹耀伏祈智  
網丕張慧鋒握利當陽掣電之機祖聲聿振紹承發  
跡之地眉宇增光馨香旣布雨露共沾幸賜慨臨不  
勝勤企

復江干靜涵張司農

詳有譽

恭惟大檀大願弘護宗教現宰官身而親國親民承  
比丘相而利生利物誠東坡之前願無盡之後身也

茲承頒諭以淨化見招亦不爽斷師遺託之言深爲  
法爲人作不請友真可謂末法之津梁也向斷師與  
山衲交往年深昨聞示寂心喪神馳幾欲躬擬辨香  
爲弔適因龍池先師後事有種種未了俱係山衲經  
手不得不料理清楚事將完卽欲曳杖湘之南潭之  
北恐弗能如斷師之願也亦負罪于大檀幸原諒之

謹復

復古南牧雲和尚

某因山中忽舉先師入塔事星馳八月初一日到山  
值爾初弟出示和尚手書云行狀第五葉山中不通

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

老僧自挿入一段明眼人看連老僧亦成不識文理  
人云云殊不思某等昔請狀于老法叔者蓋以法叔  
先師同門相得益彰者不獨法道光揚且欲爲先師  
寫照必以真誠取信將來若泛泛幾行文字海內名  
人文士頗多何必干勞法叔爲也卽徑山天童興善  
乃據實事原非徇私意老叔扎云其間雖存典善一  
節亦是將錯就錯噫是何言歟果文理不通事跡不合  
當存則存當去則去而將錯就錯是何异于臨岐  
問路仰面唾天耶某五月廿六日至古南爲老叔拜  
慶會呈印狀廿冊已經面白入事老叔云旣實事無

妨不肖謂已成定案何至今又從新讕駁且狀內詞  
意不無嫌疑同門皆歸咎不肖甚不欲行爾時只得  
再三挽回方添入前件刻藏并行雖以全請狀之始  
終亦卽以蓋覆立言之心行老叔自不內省竟行削  
削將不肖置之不問反坐罪于同門亦不知果何意  
也今只得刪削蔓引以彰老叔直心直行想老叔自  
原其衷而諒之萬望俯從不惟法門幸甚先師常寂  
光中當亦舒眉而撫掌矣八月初七日法姪行舟稽  
首載拜謹復

與龍池諸同門并兩序

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

先師停龕一事原爲山向不利所以有五年之守彼時議出不欲者皆謂法嗣謀占祖庭住持也諸方盡已知之忽一旦入塔亦不知此易舉之故何意也然而一人猖舉而陷衆人於不仁不義之中者其心何忍寧不顧叢林存歿之妨害乎旣五年不利何今年未周而忽利耶某固不干預其事曾擬三法面白永泰鐵關諸兄云茲急舉欲入塔者是請老堂頭住是議法嗣住是入塔後齊散去耶于三必一余實不就其議如不從三諸兄何以定奪正擬訥間獨覺天弟云此兄之過慮也凡事自然從長待塔事畢仍送

永兄繼席不必二議某諾云旣事已決曷用再舉如不欲入塔尤我之罪也第最初山向有妨之論始我一人考書目指非爲臆說今又躬與其事是自翻前案而甘受諸方之呵責也故先具供於龕前告罪次日告罪于衆中卽出山幸諸高明公鑑是與非與則罪我爲不孝不仁不義之徒然乎先師于常寂光中諒不負諸兄之公鑑耳亂舉塔事且置尚惜祖庭先人十五年一片苦心忍傾咎于不肖之愚昧屢屢狠籍思之無不淚出心腑嗚呼龍池一支何顛沛若斯耶然五年勉守原爲存歿相安祖庭休戚諸兄毋以

私廢公敢揭我寸衷於大衆前聊表赤子悶地之痛  
爾八月十五日行舟稽首載拜白

根述

布袋和尚語錄卷五

與譚埽菴

譯貞默

屢叩起居蓋以事關法門不得不爲檀越悉之昨楞嚴面晤知敝同門相左之說竊有疑焉何也五月間送先師全錄板入楞嚴卽迎台駕時以尊冗未赴齋期是日諸檀并各山禪友卽敝同門中明古鑑者俱集楞嚴錄中果有謬悞敝同門卽當覲面質於大衆何得絕無一言而待數月之後獨向檀越興此貝錦之端其間是非曲直當不辨而可昭然矣語云所言公公言之所言私法門何私先師前刻尚存山衲豈敢妄行刪削得罪先師耶所謂隱秀二公刊刻林和尚語錄責內有未莊之喻此乃彼自見不一故有煩費筆舌之勞先師語錄山中衆同門面囑某任重其事亦非林和尚錄板爲例也固不敢煩老居士之費心耳且楞嚴流通法脉之所取信諸方非大公至當不敢妄自送入安可因人之私恣其增損將來何以垂世久遠果若可增卽是敝同門語錄安得謂之先師語錄也不見大藏經云以水混乳罪莫大焉識法者懼檀越宜深謝之勿使諸方作笑柄也倘若私有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

100 1

損益將來參差紛亂定無了日矣又古鑑弟欲于如  
菴造先師之衣鉢塔乞大手筆發輝先師翔立并紀  
先後檀施及承續住持以垂不朽此法門公舉也何  
得有交代蕭然承續煩苦之說又不得不爲檀越悉  
之如菴剏自崇禎初年丁丑已成叢林辛巳法席始  
盛遐邇具瞻先師赴龍池之請開革以來歷年主者  
無恒漸覺寂寥先師深以剏立艱難布金不易順治  
己丑土元後擬數同門卜之仰藍得山衲最吉卽示  
執事皆曰某真堪爲如菴住持第曰數年以來常住  
蕭索須得和尚親臨其事更妥遂於二月朔出山初

十至貴郡晤衆檀嵒爲如菴囑付而來十三同舟入  
院望日衆檀畢集先師陞座卽囑衆檀送山衲入方  
丈停泊數日始回龍池自此某領院事次年告饑雲  
水倍集數數絕糧炊藜藿以延日月惟以堅固自持  
後時稍豐有董耀庭善友鳩集同仁勸建方丈某盡  
力綱維積香資淨灝及董善友自捐與勸衆并戎府  
王公等助金勉成方丈五間山門五間廊廡寮室又  
樓後構船房五間甫及三載卽致書先師告退院事  
復命再住至順治十年爲祝慧算入山面白不蒙允  
可復以法衣法被面囑云如菴汝自主不得干涉老

1701 1801 1901

撰述

僧是時恐違慈念勉爾歸院冬間結制安衆至乙未  
春堅辭至再方得先師首肯故以古鑑弟交代凡常  
住器具種種粗備詳錄交單以垂永久衆檀親見非  
衍妄也昨古法弟獨不思期守艱難反有凋落之語  
何欺昧之甚耶如菴乃先師發跡之地師翁書額永  
爲十方法席非子孫獨居之處大手筆自能不吝毫  
端三昧闡發慧澤淵源定不以漚泡變其涇渭也臨  
楮瞻切之至

與子荅朱居士

屢候不得一晤前送先師語錄板入楞嚴流通耑東  
躬迎并大令兄蓋以司寇大檀越及賢昆季爲法門  
柱石楞嚴巨細悉仗金湯是日不蒙慨降後以他冗  
卽返毘陵又不得面別敝同門中有欲私續先師自  
贊者致衆論紛然故不得不走貴郡清理其妄始終  
顛末悉之達譚護札中并錄請政意欲面白大令兄  
知尊體違和故爾未果煩代陳鄙衷全仗賢昆季以  
法門大公爲念鑒此迷妄則先師常寂光中亦當合  
掌稱慶矣臨書悚肅不盡欲言

復芙蓉自閔禪師

數經霜露飄泊風塵忽頽示慰欣甚欣甚捧誦知承

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

掛念之甚深也曩退如菴因冗羈未及一別至今耿耿丁酉秋北回途中聞法音大振祖席頓新亦不免龐公毓師向三到亭上揚眉鼓掌敢曰特出荆溪之望也聞之者遙空加額弟蚤隔江合掌耳次抵毘陵一睹先老人訃音不幸中天蔽日法燄摧光令我等悶絕躋地哀泣安能見足輪之光躍不料惡刹聚會暗憎毀忌以至內外揚波激浪若非禹門頭角幾同蝦戲弟不避斧鉞而三出三入者固勿忍抱慚而去其祖父之側也古永二兄事已半途致使存沒悲傷蓋亦有數爾昨同檀護躬請鐵兄繼其席復起末光

非唯祖父舒眉亦及吾兄蹈舞或謂之曰事可也理當如是也耶不復加我以罪耶極欲謁傾契濶奈別以來眼昏膝弱甚畏蹊徑匍匐之艱待秋深或圖良晤未可知也時當酷暑伏惟寶惜謹復

與大歎禪師

聚首分袂已運三冬神思夢往咫尺千里恭惟清勝爲慰追及先老人去世之後若非禹門浪高幾乎淵沉祖業移龕之後古首座甘心自廢永首座相繼身亡兄弟聚散豈故細邪去春聞永首座之逝固不忍坐視念影堂空寂遂入山事奉適舊住請老堂頭主

1701 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

1701 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

席已作難不允於是聚新舊執事伸議數論時衆方  
波息稍定余必欲鐵西堂繼其席者耑爲報先人囑  
有序次也雖以身當公私之嫌疑寔以雪同門之恥  
怨固請于六月初一日入院料理影堂凡一應交代  
與鐵兄執掌事竟欲遠行因江湖阻隔偶過方山暫  
憩去冬聞開法宛陵四衆雲慕則不勝之喜方今法  
門如亢陽之望甘霖倘高下之流有過不及思爲法  
求賢者必于是加意留心賢法弟臨事老成才力有  
餘而知已知人故進逆耳之言幸亮採納庶法門同  
囑之不棄若骨肉也臨楮屏營之至

與宛陵同鄉明虛禪友

曩者道別荆溪風遺千里常懷宛陵之遊未獲風帆  
之便悵然莫已去秋偶過方山擬欲相訪奈冬殘歲  
迫未果所願春日整履策杖有林泉之興主人又堅  
請王席三月間因寒濕作甚過淳陰就醫適尋思往  
敬亭以圖良晤乃爲事阻又不果明知禪者曾每每  
垂詢足見鄉國同聲溪山無異耳向聞宛陵山水清  
佳人境敦厚禪講川集幸有作家誘益必聆揮霍之  
教也欲覓一坐具地或現成靜室亦可以作休老之  
計不知與宛陵緣分若何乞畱神苟得其便煩令知

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

我則不當爲隣而爲伴矣

與金粟孤雲禪師

憶別峰前遐聆道化滄桑經變咫尺天涯追惜古今  
恍若夢爾曩退如菴擬訪丈室偶遂掛帆北往雖未  
獲願恒懷耿切及旋南時警奔先老人訃音一入山  
徒悲膺末後任責不虞祟釁百出固黽勉持全而無  
能繼德愈益愧焉去秋半軀風濕患作恐成痼癢得  
過禾就醫幸服藥餌痊可猶怯遠行空勤翹首是以  
聞福嚴老人恙重尚歉走詢想甚罪甚茲者徐仲達  
居士向與弟頗契道交神慕慈範久矣欲一叩拜敢

修片楮以助精進必親捧頭點眼不勝慶欣爾

公其復吳江海雲寺諸鄉紳文學

恭惟弘護大檀衆居士適承渝墨流香馨注吳越得  
以海雲相呼應齊山谷但恐木混林間不堪斤運之  
材駕入驥群亦非超逸之足旣煩傾心衆舉固辭恐  
屬虛文卽當拈死猫頭笑以酬價謹遵來命耑此布

復

東轂轢嚴居士

炎暑分袂秋風動思年來月往露滴聲催唯吾兄道  
標亘古諒弗隨世態變移爲慰因便附詢勿備

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

夢雪居引

戊子望日於禹門曼殊室中爲斷疑  
公作

夫古人夢遊華胥武帝夢覩瑞相素問夢出五臟周禮載掌夢官屬孰曰人無夢乎又孰曰至人無夢乎繇此言之夢之一事雖幻豈可忽哉余一日與友人斷公閑話間述向余曰曾夜有故人以夢中語傳我曰披綯之夕夢以雪居爲號且謂探之甚寒咀之甚澹號所由稱也咤爲怪事余曰不足怪也不聞我佛制云持戒如冰雪此正以夢中之警表清潔之志耳公其謂之何公忻然諾之余又曰昔蘇子有澹軒清禪師有照軒或者屢居山居水居村居雖各不同於事理尚未脫然總被局量之所拘滯若夢之一字可以包天地容萬物況人生寄質誠若大夢乎何似閉眼又說夢中之夢耶公曰可乎以符夢中之夢語題成三字曰夢雪居公當持此語以復故人云

居士求作放生會引

蓋聞治世之教以明德爲本明德者立其道也道立則心正心正則身修所以齊家治國平天下一繇修身更無二本可知體有千差靈本乎一人多徇情異物故有群分類聚之區殊不知靈明之性如果日麗於中天無所不鏡何曾有小大優劣之界乎總由人

1701 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

心蔽錮執體爲依坐暗爲明惜短棄長以苦爲樂恣情縱意傷物資生猶謂獲福當然噫只恐他日陷於輪迴之際班班福消業長一旦毛角臨身猶謂獲福當然否或曰彼乃畜生我乃人也或曰彼之血肉當以滋我之軀命孰曰不可然雖人物有異而軀命亦一也何不一念迴光息好欲之心視物猶已如是則至善修身之極豈不卽在聞聲不忍之內哉聖人之言真可畏吾弗能已矣

募書經并求名筆以成墨蹟兼助資引

據大慧武庫載任觀察內貴中賢士係徹廟極眷之

任傾心釋氏徧叅知識每自嘆息曰余幸得爲人而形體不全及不識所生父母想前生輕賤於人招此報應遂發誓遇休沐還私宅屏絕人事炷香禮佛刺血寫華嚴經一部每一字三拜願來世識所生父母忽一日有客相訪任出遲客怒云人客及門何故不出任笑曰在家中寫一卷赦書客詰其故任以實對遂取經示之云此是閻老子前喫鐵棒吞鐵丸底赦書客悚然驚駭回舍亦自寫一部此老深究禪理博窮內典尚以形骸自感發斯弘願而又令人自惺可爲今古貴人中之特出也所以教徹宗通不妨入泥

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

入水機先眼正自爾陶聖陶凡若論卽事卽理且向者邊領略茲成中上人幼年脫白辛已形完具戒切志求道亦僧中之上士也若欲效任公之血書大經恐其功不上其力不勝是以展勸名賢高士濡毫灑墨樂書般若經一卷卽三十二分列三十二相或宰官或居士或比丘或婆羅門等一時併現身相各各捐資頓成希有如經云書寫受持讀誦爲人解說以要言之是經有不可思議不可稱量若以觀察旣上人集諸名賢手筆較其功德殊勝不可云如來爲發上乘者說爲發最上乘者說何故但云應如是住

結修大悲懺疏

蓋謂佛身充滿量無邊際法性周流微塵莫測如雁飛空影不存跡洪鐘扣響聞等一音故三輪體空一光獨耀含藏萬有隱顯虛靈乘境悟心法因人示頓漸互融始終不二蓮出淤泥色超衆相非凡尋所能喻故曰廣大圓滿無礙是也所謂難行能行難忍能忍卽羅刹鬼國形現影彰馬面牛頭隨類應化光逾日月德并乾坤故曰大悲心大陀羅尼是也經中大梵天王請曰惟願大士爲我說此陀羅尼形貌相壯觀世音菩薩言大慈悲心是平等心是無爲心是無

180 1 2 3 4 5 6 7 8 9 190 1 2 3 4 5 6 7 8 9 190 1 2 3 4 5 6 7 8 9

染心是空觀心是恭敬心是卑下心是無雜亂心是無上菩提心是當知是等心卽是陀羅尼相貌汝當依此而修行之誠哉斯言奈末運縉素未徹是經矜高自遠縱使釋迦覲面菩薩傾心亦恐難信豈區區言語而能啓廸耶予因謝如菴暫憩香海別業一日致言兄過慰我偶與宣微兄談及大悲經義并懺儀理事云今每每建立規式嚴飾身心而與智者慈雲見道證果幾隔天壤良可慨矣余遂應曰素有願欲得同志共修一期寔莫可得石林公遂云某亦有此舉久矣未敢輕以告人此正緣遇時至信願力不可

却也卽欲予爲引敢述致宣二公之因以告諸同志者共圓此廣大圓滿無礙大悲心大陀羅尼法必有如大梵天王者一肩擔荷云爾

### 高淳龍悟菴募購田疏

夫德不孤必有隣先聖之語孰敢忽焉林叟道兄者淳陰甘文政公之後裔也宗族茲盛幼失怙恃童歲脫白年滿受具于溧陽屏峰山辨軒律師躬靜念切志恪心堅可謂德矣次遊禪講後叅天童始與余交嗣後切爲死生大事各往叅究而相別廿餘年矣庚子春忽過方山訪余方知結廬桑梓適曳杖相訊促

9 10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

方外升沉錄卷五

膝月餘菴況幽甚但基址乏其步武偶詰其始末云  
云有宗昆季一淳一貢二齋公者勉畱駐錫辭不獲  
免遂諾其結茆之舉故卜此壠頭卽各捐貲若干共  
十六金買其田創爲最初檀度之首衆構靜室三楹  
居今一十七載尚未化緣廣寒暑毋却惟以禪律自  
禁由分真可謂安貧樂道無妄於求邑落稱美是必  
有隣也叟一日曰古者曾云三間茆屋從來隱一道  
神光萬境閒莫把是非來辨我浮生穿鑿不相關遂  
撫其几云何事我輩煢守一枝於道愧甚余曰不然  
道以心知言以意會豈可拘靜閑爲是非耶屋小基

局可蔽風雨聊借以棲身而已如欲廣斯菴址須得  
肥畚數十畝相承資生之計兼助道業日新堪爲永  
遠佛地以紹燈光之不墜耳菴初興時有飛龍蟠脊  
預爲應兆斯必隆將來之符願也是以特告大心居  
士植因德本不緣一佛二佛三四五佛而種善根者  
傾囊括資樂勸珍積好看稻花香福田進退有餘蔭  
信乎果熟採祇園功成歸寶所矣

淨慧院募鑄大銅鍋銅板

廣陵乃四衢通要士農工商稠集之所南北禪講叢  
學必由之徑客有旅店豈僧無寺歸向有善慶福緣

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

接待往來而相繼者天寧茲淨慧院自清菴師荊業  
 於前鵠革以來菴孫祥光公者恢擴基址營構殿堂  
 龍象聚駐香積供飯雲堂掛搭鐘鳴鼓響可謂梵刹  
 增新倍加光彩亦益先人之志維衆甚多聲呼應近  
 不能及遠鏤約炊煩而食虛步落種種不等是以祥  
 公商於予予愧囊空力弱計以何助炊廣聲齊之洽  
 敢以一毫之資告于布金長者必見全肯諾卽聲應  
 遷遯飽舉千億古云腰纏十萬貫騎鶴上楊州信此  
 語否一火鑄成聲供普兩彩一賽不須云

卷

終

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1

セ  
キ  
リ